

西江視臬紀事

西江祝臬紀事卷四

定遠

條教

勸諭民俗十條

爲條約事照得時當歲暮瞬息春回小民終歲辛勤誠宜共樂昇平頌

堯天而歌舜日惟是良頑不一貧富難齊其間習俗所移事勢所迫或逞機詐或競奢靡情態百端難以悉數大抵歲序將更情既切于平時則利害轉移機更捷于影響本署司留心民隱洞察其微今特

舉其有干

禁令有闕風俗者列約十條以為告誡所願士庶軍民共相儆勉豈惟草薄祥惠亦以保身遠害其各體此心凜遵毋忽須至示者

計開

一勸安貧守分夫貧富由命而命不可爭唯有循分自安以待時運之至詎有貧而無賴者乘此歲終或藉產業交關或捏遠年債負恣意強求稍不遂意即逞其強橫拚命撒潑甚有挾使老病婦女放賴訛詐者此等刁徒急宜懲創嗣後如有此輩肆

行無忌地方立行驅逐抗則稟究毋許滋害致長刁風

一勸讓利取當典質之家多緣貧乏迨至年終始行
趕贖則不由變鬻必出借資徒以卒歲所需不得
不力勉討取其捺持計畫之苦意想可知在典舖
挾本求息原出情理至公但既屬素封何爭毫末
睹茲貧窘宜在矜憐嗣後各典舖務宜遵照詳定
之例各量利息戩頭銀水勿過苛求于富戶原無
所損而貧民實獲利益况積善餘慶明損暗增獲
報定自不爽其各凜奉如有立心刻薄剝削窮民

者必拏懲處

一勸緩急相通夫緩急人所時有鄉黨有賙卹之仁朋友有通財之義若坐擁餘貲視人困苦顛連不加援手無論居心刻忍亦恐怨積仇牽均非保家之道然借貸出人情願若稱貸不遂遽行強勒此則明干憲典法在必懲至于舊債夙逋年終理宜清晰負欠者當自秉良心償還宜早索欠者應量人度力勿過追求須知借貸早還往後尚可挪移則緩急有恃索逋從緩捉襟不致露肘則始終全情但使兩相體念必無因債成仇倘力可清償而

昧賴不還與勢難清楚而恃強逼勒其罪惟均必
難姑貸

一禁歲夜盜墓查江右澆風凡停柩之家惑於風水
或貪圖吉地或謀葬公山或捏約告爭或勾黨盜
賣輒斲歲夜乘人不備私自盜墓豈知甫得掩埋
旋遭創毀忍將祖父棺骸任人作踐頻年訐訟失
業妨農甚至此爭彼毆釀成人命身受嚴刑吉地
安在愚民惡習良可嘆息不知陰地憑于心地若
心地先已不端如陰地何嗣後再有歲夜盜墓一
經告發定拿從重治罪

一禁柵欄疎懈查柵欄之設原為防匪竊而慎地方
然每當歲暮市肆錯列來往紛仍更闌未得止息
而看守柵欄人役亦復因茲懈恣偷安不知鼠竊
狗偷歲終尤劇更宜加意防範難容怠忽嗣後除
小街僻巷照舊之更即將柵欄鎖閉其大街肆市
恐年終來往人多二砲後鎖閉柵欄常加看守如
敢仍前怠忽不加嚴謹稽查遇有失竊定拿看守
人重處

一勸奢華浪費江省風俗素稱儉樸然席豐履厚之
家際此連歲豐收未免不節于用漸至奢華甚至

繪奇鬪異爭相誇耀此皆風俗所關不得不防微
杜漸蓋澹泊所以植身勤儉所以植家深願士民
咸從節儉勿事奢華則淳樸之風足為鄉閭矜式
矣

一勸少放花爆時屆歲除轉瞬元夕桃符煥彩爆竹
迎年足兆太平景象隨時施放亦民間所必不能
已者然宜有節以慎火燭更有置造流星賽月明
霸王鞭百子炮飛老鼠烟火寺名色走焰飛礮尤
為迅烈倘或不戒釀成回祿累已及人尤所當慎
嗣後凡放爆竹不得過多務須加意防範至一切

流星烟火等項概行禁絕如有不遵定繩以法

一禁新年賭博查賭博之禁條教號令屢頒叠禁至嚴至密雖山陬水澨窮鄉僻壤莫不咸知屆茲新歲務開冥頑之輩不無三五成群仍肆聚賭勾誘良民合再飭禁勸爾父老子弟團聚家庭父與父言慈子與子言孝敦崇禮讓各安本業共樂雍熙賭博一道既喪身名復隳家業慎勿輕試如有不遵三尺具在其各慎之

一禁迎神打降查迎神賽會禁例綦嚴江右惡習每于新正年節輒聚無賴惡少扛擡神像各伏拳棒

多人鳴鑼伐鼓放銃响炮開闢街巷橫行無忌或此迎彼接先得為能或彼往此來爭先為勝動輒打降寧傷人命決不相讓此種惡風最堪鄙恨嗣後如有再仍前轍聚眾迎神開闢街衢者保鄰立即首報拿究按律治罪保鄰人等容隱不首查發并懲

一禁醮金鬧燈查元夕放燈原以兆豐年而慶太平從無禁例然止宜各于本家門首懸設花燈共相慶賀暉聯璧映氣象聿新乃江省有等無藉之徒欲乘此以為射利之端呼群引黨裝扮異樣面目

逐舖散帖挨戶科錢稍不如意動輒咆哮肆辱甚
至互相爭鬪聲釁生端莫甚于此嗣後除各于本
家門首懸設花燈不在禁例外其沿門散帖飲錢
裝演脚色鬧燈者槩行禁止如有不遵定拿枷示
以上十條俱係有干

禁令有關風俗本署司洞悉其端用申告誡凡爾士
民其各凜奉遵行庶幾人心厚而風俗淳官民共
享昇平之福矣勉慎毋忽

禁盜莖封堆洗筋溜骨等惡習

為再申毀骸謀穴之禁務除惡習以培風俗事照

得人子於親生事死葬各惟其禮至於經營窀穸尤當為百世良圖俾魂魄有依墳塋永固挾親骨以求富貴已非孝子慈孫所敢出况更蔑理違天忤骸毀骨逞其殘忍險狡以求所謂蔭穴福基不特無此地理亦斷斷無此天道也本署司下車以來稔知江右風俗惑於風水謬謂功名富貴全恃剝骨遺骸恣行悖亂駭見駭聞不特齊民編戶即紳士之家率亦不免以致不逞之徒或貪人秀穴盜遷百十年已葬之祖骸或藉稱侵祖毀滅風馬牛不及之鄰塚或就人墳地暗立封堆或將人祖

墓潛埋碑石贛南惡俗更有將已故父母骸骨安
墓二三年後仍行起出用水洗刷視骸骨之紅白
以驗吉凶謂之洗筋兇殘悖逆莫甚于此而衿士
齊民恬然安之毫不為怪雖經痛切示禁愚罔之
民錮蔽既深而不法地棍託名堪輿恣為唆弄以
行誑騙惡風日熾遺害何窮近更訪有將祖父舊
骸用袋檢包在他人墳頂上挖洞鑽埋更有將祖
父枯骨燒化成灰以灰調水用鐵管流入他人塚
內者殊不念先人之骸骨何辜遭此慘毒他人之
墳塋何罪罹此克殘斯豈天理可容王法可宥耶

誰無祖父寧忍野骸同穴一經察覺知其姓氏則
經衆鳴官按擬重辟不知姓氏則起出骨灰或棄
擲荒穢或懸掛樹枝坐使祖骨拋殘身家殄滅以
此而思為祖父計孝歟罪歟為子孫計福歟禍歟
查律載于有主墳內盜葬者杖八十勒限移葬經
年不葬暴露者亦杖八十又開棺見屍者絞卑幼
發冢長墳塚見屍者斬若棄屍賈墳地者罪亦如
之何等森嚴明晰是停柩盜葬猶干禁律無故發
掘更罹嚴刑况殘毀祖骸陰賊人墓耶是未來之
富貴難期現在之灾殃立至甚至此爭彼角立釀

命端所爭者吉地歟未得而已受其禍得之又安
在是福所爭者凶地歟則又何善蔑祖忘身僥倖
非分大抵漆室佳城原由前定陰地不如心地雖
屬恒言實為至理斷無克殘險狡可以獲地致祥
本署司深悉其由苟有干犯執法必嚴誠恐愚民
罔識惡習難移合再嚴行示禁嗣後速改惡習凡
有停柩者即行營葬已經安厝者不許改遷務使
窀穸永寧庶幾生安死順倘有貪穴盜塋暗立封
堆密埋碑石種種不法一有干犯律處不寬至於
洗筋惡俗尤所痛惡以及起挖舊骸鑽頂盜穴并

以骨灰溜入他人塋內者或經告發或被查出惟
有按擬斬辟立置重典地師堪輿誘惑教唆即與
同罪本署司職膺風紀決不少事姑容以貽地方
風俗之害至士為四民之表尤當身先率化若其
冥頑不靈知禮犯法尤必加嚴其各痛革前非勿
循故轍有負本署司殷勤告誡至意凜之慎之

禁止溺女并拋棄兒骸

為嚴禁溺女拋骸之惡俗以敦天性事照得男女
皆屬毛離裏之身何分彼此惻怛慈愛人所自具
豈因生女變其天良至育子天札有識所悲寸膚

片骸皆我遺體生則惜之死則殘之是又何心乃
南贛等府薄俗生女率多不舉當行溺斃而子女
為痘疹所殤者輒行燒燬沉棄其骸骨于深淵道
路殘酷不仁殆無逾此夫天地之大德曰生不忍
之心人皆有之若至忍于所生則又孰不可忍抑
思或男或女同此天親于彼何恩于此何怨或考
居貧食力撫育為艱彼襁褓孩提日需有幾比及
稍長即給人童養為媳亦可遂其生成又何必預
為顧慮自賊其天禽獸無知然抱哺乳字猶護其
種人負性靈何反不若為父母者豈真仇此血胞

夫亦溺于惡俗恬不為怪耳今試于初生欲溺時
姑轉一念曰且俟明日至明日又轉一念曰再俟
明日如此稍久呱呱宛轉憐愛頓生雖有強之使
溺亦必不忍即此便是天良擴而充之即為慈父
慈母人奈何不于舉意時轉此一念耶至養子不
育或哺養未周因之夭折或自身作孽禍及後裔
孩提何罪罹茲拋骨殘軀之慘迨道路飄零犬啣
雀啄此時試迴想其平昔抱持之愛瀕死哀痛之
心何前後謬戾若此要亦習于偷生討債之妄說
作此違心之事凡此薄俗殊堪憫念合行切禁嗣

後生女之家務即舉育不得仍行戕溺養子不育
務即掩埋不得仍行毀棄必期各秉天良返茲頹
俗庶人心不失天理克全倘錮蔽不除仍有干犯
則是秉心殘賊不可理化溺女則照故殺子孫律
擬拋骸則照殘毀卑幼身屍律擬保甲隱匿不舉
一體科罪斷不為冥不率教之頑民少寬法律也

禁錮婢

為飭禁錮婢以厚風俗事照得男女大欲貴賤所
同婢女亦人室女生命不辰鬻身為婢饑寒勞苦
已屬堪憐迨服役有年既馬既笄亦望一鞍一馬

遂其居室之心以畢一生之計乃江省習俗幼置
一婢老供使令竟至終身不遣南贛地方此風尤
最抑思已如有女出閣愆期憂劬日夕必不能安
婢女背父離母既倚我以長成我即同于父母乃
聽其至老無歸畢生服役髻髮受賣身之慘白首
含無偶之悲於我何仇忍心至此更有甚者担汲
負薪虐使遠出山隈水側他慮尤多我既為彼家
長即有防閑之責若但貪其力作漫不顧問不特
禁錮怨讟上干

天地之和抑恐穢迹彰聞下貽家門之玷深願吾民速

湔此習自示之後凡有婢女服役十五年以上立
即酌遣或令其父兄擇配量歸身價或自擇良民
遣嫁薄受聘財或給配誠實家人俾為匹耦既無
怨女之嗟自積家門之慶大抵蓄養婢女紳士富
室為多在紳士讀書明理自不忍老此孤孀而富
室使令多人又何惜捐此一婢務自拔于流俗之
中庶一洗其澆漓之習倘固執不遵婢女已服役
十五年以上仍行留錮不遣該地保鄰即具報地
方官立將該婢斷令親屬領回仍治以藐玩之罪
必不姑寬長此薄俗

查拿縱火惡徒

為申嚴縱火焚燒之禁以戢兇惡事照得火災之
為禍最烈故縱放之禁律特嚴凡有人心理無故
逞乃近訪省城地方竟有不法兇徒游手無賴輒
乘夜靜將紙煤竹篾燃火拋置人家房簷籬壁間
迨至焚燒即乘機搶奪器什因以為利既泯天良
復干

國法愍不畏死乃至干斯前打纜洲居民失火亦訪
係此輩造惡現今嚴拿監禁茲審查律載放火延
燒官民房屋者杖一百徒三年因而盜取財物者

斬殺傷人者以故殺傷論若放火故燒官民房屋者不分首從皆斬並計所燒之物儘犯人財產折剋賠償煌煌

禁律何等森嚴而不法克徒輒敢肆茲毒焰燔虐民居殊堪髮指除一面密差查拿外合示通知為此示仰省城內外各坊該管保約汛捕人等知悉嗣後各于該管地方一體嚴查如有前項棍徒暗持紙煤竹篾燃火拋置民間房屋籬壁者立即嚴拏押赴地方官詳報究擬寔之重典地保汛捕等倘有狗隱疎忽分別究治本署司為懲戢克徒綏安

良善起見各宜凜慎毋得怠縱取咎

禁羅教傳示

為查禁邪匪以正人心以維風俗事照得邪教惑人禁例恭嚴江省愚民傳習羅經恣為誕妄本干禁律法應從嚴今 兩院仰體

聖世寬仁特設首免之條以開自新之路業經本署司等會議自雍正十三年三月為始定限三個月內盡行首繳槩免根究逾限不首即照邪教定擬已通行飭遵在案誠恐無知愚妄積習難移或僻遠村墟申嚴未徧致稽遵繳仍負恩施今特將禁例

臚列於左傳牌遍諭為此示仰軍民人等知悉爾
等凡有羅教經卷及原設齋堂之家務須依限赴
縣盡行首繳改邪歸正盡作良民所有從前設教
鼓衆之處一無所問如敢故抗不遵是始猶無知
誤犯今則有心頑梗矣法律具在定即照後開條
例分別治罪斷不為罔不率教之頑民少弛
禁令也保甲鄰佑一體凜遵毋忽特示

計開

一 定例嗣後如有私習羅教者一經發覺將為首者
照左道異端煽惑人民律擬絞不行首報之鄰佑

總甲人等均照律杖一百。

一凡將羅教經典隱藏在家不行首出銷燬者枷號
兩個月杖一百。

禁龍舟示

為嚴禁爭鬧龍舟以除惡習以靖地方事照得端
陽競渡歷經嚴禁并行府縣通禁在案無如江省
習尚難移而一種游手棍徒倡為會首挨戶歛錢
硬索強科形同無賴至期則逐隊成群鳴鑼擊鼓
或駕船賭賽競勝洪濤或陸地擡舟喧闐街巷名
曰驅瘟逐疫實為名譽生端爭先打降覆溺亡身

種種釀禍皆由于此茲屆端陽誠恐仍蹈舊轍歛
錢預造亦未可定除現在差役拿究外合亟嚴禁
仰按屬軍民人等知悉嗣後務宜痛改積習毋得
仍前歛派迎賽爭鬧龍舟致滋事端倘敢故違許
保甲人等稟明該管地方官立即查拿重處爾保
甲人等均毋通同徇隱致干查究各宜凜遵毋違

示諭洞山寺

為曉諭事照得新邑洞山禪寺古稱法界素號名
藍為尊宿焚修之地高僧卓錫之區自緣凡俗緇
汙真如不識坐使圓通與旨明覺無聞我

皇上憫念凡愚廣揚法教特遊釋器俾掌洞宗經副都
統部堂延請洞宗支下福澈和尚入院秉持原以
宣揚梵旨紹續宗風凡在法輪宜生信仰俾談宗
以闡化庶息慮而離塵詎有奸僧淑耀等託名空
寂一意貪嗔輒造危言公行擠逐當蒙 院憲訪
聞業已嚴拿律處誠恐淑耀等徒衆結習未除猶
懷報復串結附近居民仍肆構害亦未可定合即
示禁仰本寺及附近僧俗人等知悉現在福澈和
尚歸寺修持一切僧律戒規各宜信心敬奉倘有
不法僧俗仍前滋事一經訪察定即拿究凜慎毋

忽特示

疏通街道溝圳示

為嚴飭疏通街道溝渠以清污穢以奠居民事照
得雨水霖霪濕氣蒸氲居民沾染恒多成疾所賴
溝洫疏通庶幾潮濕不侵而疾癘不作今查省會
內外地勢低窪溝渠積穢久不疏通每當霖雨則
街巷成渠墻垣房舍斑駁卑潮霧氲之氣侵人膚
體保無致疾為此示仰舖戶居民人等各將門前
街道陰溝逐一打掃淨盡開挖疏通務使積穢消
除毋致潮蒸薰染開濬不過咫尺之地為力至易

為費無多使居處乾潔不受穢侵不染病患獲益良多爾地保人等其各按戶督催均毋玩違及藉端需擾致干查究

嚴匪竊以培試士示

為嚴飭稽查匪竊以培試士以靖地方事照得時屆賓興為

聖世掄才之典譽髦萃起之時各郡諸生彙征駢集而一切貿易技藝人等莫不群聚宵小匪類因得乘機竊發滋擾地方况士子應試遠來多屬寓居寺觀俾盡揣摩之力以遂騰達之期而寺觀處所遊

人襟沓奸匪難稽恣行攫取滋害必多念茲多士
率係單寒囊篋既空未免雲程志阻甚非所以安
士子而重

大典也至各處民居店舍雖較寺觀稍為謹密然住客
既多出入易忽稍不加慎即致藏奸本署司久歷
科場深知其弊除一面差役巡查外合行示禁仰
寺觀住持僧道併各房主店家人等知悉凡有應
科士子賃居房屋彼既倚我為主則稍防照管在
我原有專責出入門戶自應加嚴其閑襟人等雜
沓往來務須盤阻倘敢漫不防範及容留匪類住

居出入一經報失定將住持僧道併房主店家先行究處以懲懈忽決不姑寬凜遵毋忽

挈禁撞歲棍徒

為嚴禁拍稱關節招搖撞騙之棍徒以肅法紀以昭

大典事照得時屆鄉闈士子雲集

欽點主考將次入境各省薦官亦將抵省理應嚴肅務使獎絕夙清庶不負掄才鉅典但恐一種無知棍徒假造關節潛住招搖或拍稱主考線索可通或拍稱房考蜜綠可入更有探知士子文理素優家

道稍豐者計勾術誘以圖營撞而士子功名念切亦遂墮其術中恣為謀幹倘遇憑文入彀本生反訝其通神而棍徒私幸其得計其或揭曉無名本生但吞聲飲泣而棍徒已飽橐遠颺神奸黠智播害良多查定例積年棍徒假稱考官親識多方設計誑騙者枷號三個月發烟瘴地方充軍其生員貢監央免營幹致被誑騙者亦照例發遣何等綦嚴在棍徒愍不畏死以身蹈法固不足恤誠恐無知愚生一朝失足害及身家悔將奚及合亟出示嚴禁為此示仰省會士庶軍民以及寺院庵觀歇

家飯店人等知悉示後凡遇有不士不賈形踪詭
秘者務必細加查察如係招搖撞騙之徒許即嚴
拿扭稟本司以憑法處至各士子三年攻苦切宜
自勉功名勿受奸徒簧惑上負

聖世崇文之化下貽身家性命之憂各宜凜遵毋違

嚴禁攔捉客販猪船積弊

為嚴禁牙行指官攔捉猪船之積弊以懲奸僧以
便客販事照得時屆賓興一切供給什物均係動
支公項平價現買從不取辦商民借資行戶訪聞
江右向有奸惡猪牙每借闡場供應名色催募剗

船在于章江上下二三十里內攔捉下流屠販船隻輒將瓦石包裹成封拋入船艙假稱官價恃強橫捉客販被其愚弄出錢求免以飽貪壑稍不遂慾即將猪隻攔捉入行猪之輕重唯其所定價之多寡惟其所給又復成年累月任意拖延以致客販忍氣吞聲莫敢違抗此等惡風殊可痛恨除檄行南昌府密訪嚴拿外合行飭禁嗣後各處販戶裝載猪隻過往倘有前項棍徒仍循故智藉指供應名色恃強橫捉者許即指稟地方官即以惡棍搶奪律從重治罪斷不姑寬凜遵特示

禁科場買賣欺凌勒索

為嚴禁勒索以恤寒儒事照得時值秋闈通省士子負笈擔簦來省應試其間近者離省數百里遠者或千餘里行則需舟車之費居則需旅宿之費書生半出孤寒不過勉措資斧聊應科場豈有餘資以供勒索而刁惡之徒瞰其懦弱每任欺凌舟車則倍增脚費担負則多索挑資賃寓居則倍增常值尋常食物亦什伯高擡無不貴之物無不增之價種種欺索挾以不得不與之勢殊可痛恨合急嚴禁為此示仰房主舖戶及脚夫人等知悉

凡遇應試士子僱覓舟車賃寓房屋購買食物務
宜公平交易不得任意低昂如有欺凌文弱多行
索詐者許本生扭稟地方官嚴加究治爾諸生念
切功名亦宜自愛其鼎勿因分厘小費即自尋釁
生波有負本署司惜士婆心也各宜凜遵

科場查禁匪類

為禁逐匪類以肅秋闈以安商賈事照得鄉闈期
屆才俊奮興負笈擔囊雲連星聚而各項貿易藝
業人等亦乘時紛集以博蠅頭然士子素封者少
逢茲大比所攜資斧本屬無多其間買卷有費賃

房有費日用有費種種不貲而貿易之人費本經營藝業之人挾技餬口資息尤微必使樂業安居俾得專心名利本署司訪查江省每遇科期輒有
四外匪類乘機潛聚擠集市場窺伺隙日則綽
白剪絡夜則鑽穴穿窬更有一種無賴棍徒或攤
場押寶或佈勢演棋宵小暗集局騙多端他如外
省強橫流丐硬索強求種種不法最為滋擾本署
司總持風紀雅意作人亟欲預計安全以免斯文
受累商賈遭欺除現在密訪查拿外合行示禁為
此示仰巡捕官役及地保人等知悉嗣後在于各

該管地方務宜晝夜嚴查必使匪類潛消倘有前
項不法棍徒立即協拿扭稟以憑究逐如有怠玩
徇隱一經察出一并重究決不姑寬各宜凜慎

申嚴懷挾

為申嚴懷挾夾帶之惡習以肅

大典事照得時際鄉闈正士子雲程發軔之時江右人
文淵藪各郡諸生三年攻苦諒已蘊蓄有素懷挾
夾帶有志所羞無論不敢為亦不屑為也惟一種
習無實學妄希倖得之徒既不磨礪于平時輒復
行險于一旦抄錄成文密行挾帶不知功名自有

定分豈容蔑法強求况當監臨院憲剔弊除奸
無不照察一經搜出不准自誤功名抑且貽憂身
命本意求榮實反得辱此時噬臍又復奚及本署
司職任監試稽察維嚴蓋懷挾不除則正才不出
原以愛士而非辱士揔期務絕弊風用特先申告
誡為此示仰應試士子知悉各宜自勉功名一洗
陋習其具有實學者固將宣其風蘊發越精華其
實學未充者亦准隨俗觀場自安義命切勿妄希
苟獲挾帶片紙隻字干犯

憲典自杜進取為士林之敗類貽身命之深憂各宜

凜奉以無負本署司惓惓之意慎之毋忽

禁吳鎮地保朋奸

為嚴禁地保朋比作奸以安民業事照得吳城一鎮五方雜處商民滙集最易蔽奸是以移駐同知用資彈壓今本署司訪得該鎮前後五坊設有保長鄧文明等地方李文思等名為專任稽查實則把持一鎮遇有地方一切事件必須先投保地然後許其具控官司若輩三五成群先索酒食謂之發脚次勒銀錢謂之墊膝既飽其慾則偏袒武斷假公濟私不饜其求則抑勒私和把持庇匿此等

保地地方亦安藉有此除行南康軍廳查究並將
鄧文明等草役另行選充外合行曉諭為此示仰
吳鎮地方商民牙行人等知悉嗣後各宜安分經
營毋恣奸騙即有雀角微嫌自宜理恕情遣勿得
輒起訟端如有萬不得已必須呈控者即赴官以
質具呈毋得聽信地保主持簧惑其新充地保各
宜循分辦公稽查私宰賭博及外來匪類并面生
可疑之人不時稟報不得勾通胥役需索滋弊倘
有仍踵弊風或經訪聞或被告發定即嚴拿盡法
究處決不姑寬以貽民害各宜凜遵毋違

禁武闈倩代

為查禁事照得武闈試士

大典攸闈原以選俊儲材預備干城之用

國家文武並重士子進取兼途簡練既工蘊抱有素
技勇文藝宜有兼長茲騎射已竣 撫憲屆試內

闈諸生正當努力風簷發抒奇畧果具全材理無
自棄惟向來陋弊多有懷挾成文期為抄襲更有
一等弓馬未精粗通文藝之徒自知難于倖獲輒
混入內場移號換卷傳遞代作希圖取利而本生
亦自知文理平庸議賄倩代以圖僥倖以等弊風

所在多有本署司為法紀總匯科場諸弊尤關
憲典誠恐諸生無知悞蹈累及身名合亟曉諭為此
示仰應試諸生知悉各宜凜遵條約自奮功名負
有實學者固將盡展所長其平素空疎者亦當自
安義命慎勿容心僥倖以身試法後悔莫及凜之
慎之

曉諭遇 赦罪犯悔過自新

為欽遵

諭旨詳切曉示宣布

皇仁以警愚頑事欽奉

上諭赦非善政古人論之詳矣但朕即位之初聿遵舊制誕布新恩凡此罪人皆因自取亟宜改悔永為良民法司仍宜照例詳記檔案如既赦之人再干法紀朕必將伊等加倍治罪決不寬貸也着詳悉曉諭中外臣民知之欽此欽遵除通行各屬詳悉曉諭外為照赦罪宥過固

聖世之寬仁而悛惡改非實愚民之急務一應死罪及軍流徒犯身干

憲典原屬孽由自作然當其刑法加身桎梏被體呼號皆案幽泣囹圄亦未必不自悔從前既已噬臍

無及應死者唯有延頸待戮應遣者亦惟流竄是
甘一旦恭逢

赦典獲保身家即此倖全之命實為再世之人骨月仍
依鄉鄰復聚迴想羈身縲紲奄忽待命時空如何
感激如何愧悔倘能念此不忘省躬安分一洗舊
習便屬良民若其積習難移舊惡不改仍肆故智
恣為不法此等冥頑不靈之輩實為

王法不宥之人檔案具在唯有按其前罪加倍科懲深
恐愚民罔識合遵詳示曉諭為此示仰按屬一應
援免罪人及族保地隣人等知悉白

通志卷之四十一
赦之後各宜感戴

皇恩痛澤舊非永沾

新澤勿以一朝獲免自謂餘生以身復試甘蹈加倍之
懲族保地鄰時相誠勉至克徒橫暴性成竊盜鼠
行無忌尤應嚴加管束俾盡為

盛世之良民庶不負

聖朝之大典各宜凜慎祇遵勉之切切

飭拿捏訪招搖棍徒

為飭拿捏訪招搖之奸棍以肅法紀事照得本署
司職膺風紀矢守磴磴所期茹糗飲水與各屬共

圖實心實政凡地方一切利弊惟以文檄往來諮
詢從不濫差一役私行採訪至有司之賢否自應
考其措施察其蘊抱徵諸言論採之輿評以定優
劣更非書差人等搜風捕影撫拾虛無即為耳目
也乃不意有鄧元捷戴天叙者一稱藩書族弟一
稱臬署房科假捏訪事名色妄思干謁有司昨據
樂安縣孫令詳解即經本署司嚴刑訊究雖無撞
騙賊據然捏訪招搖情形已實除經重責押交原
籍地方官俟秋後補枷發落外可見無藉棍徒捏
名滋騙者正復不少苟非該令持正秉公不徇情

面未免為其搖惑則本署司何由究治茲屆補行
計典之期恐不法棍徒仍有假捏差訪名色滋事招搖
亦未可定合亟示諭為此示仰按屬官吏軍民人
等知悉倘有奸徒指稱各衙門書差名色託言訪
事招搖誑騙稟謁干求該有司立即嚴拿解究即
不干謁有司此等之人巖頭露尾踪跡易窺並許
諸色人等稽查首報以憑盡法究處仍將首報之
人重加獎賞如庸懦之員徂于積習瞻徇顧慮甘
為隱匿地保人等漫不稽察一經發覺均干未便
各宜凜遵毋違特示

脩整蓄水木桶示

為曉諭事照得祝融為患最切民生弭救之方全在地方有司預為未雨綢繆之計若事屬創始恐難猝辦而循舊增脩猶為易舉查省城內外原設有蓄水木桶置放街巷以修不虞近以經歷歲時多有因雨漂日晒底朽穢寬不能蓄水徒有預防之名而無預防之實非所以慎灾青而護民居也除行南昌府速飭查修外仰牌甲人等星即確查該處原設木桶有無朽壞是否貯水有應加穢換底及應行增設者立即報縣置備脩整堅固增設

齊全仍用磚攔墊不得丟置深溝污泥之中致滋
朽壞所蓄之水務須滿貯並不得擅自取用該牌
甲人等亦不得藉端派累致干察究

禁玉山行埠苛索牙用

為嚴禁行埠苛取牙用以恤商旅事照得玉山一
縣八省通衢五方襍處經商遠旅絡繹往來陸則
需夫水則需舟夫船行埠實所攸賴理應公平以
昭信實向因行家埠頭需索多端重重剋漏業經
酌定條規行票每兩取用三分船行每兩取用七
分僱夫每名大錢一百文量給保夫錢十文其餘

一切派索槩事革除乃禁令甫申弊端旋長近訪聞有愍不畏法之徒仍前多索雇搭船隻坐行每兩輒取用七分半頭每兩輒取用一錢七分又有寫契人每兩扣銀一分外勒茶酒銀四五分不等僱覓挑夫每名取索大錢一百二三十或一百四五十文不等又每名索包夫錢二十文該行戶發給夫錢每名止給錢一百零六七文而大錢百文之內復換搭小錢明扣暗除內外搜剝商旅夫船惟其虐取殊堪髮指除現在密訪查拿外合飭勒示仰該地夫行船牙往來客商軍民人等知悉嗣

後坐行取用每兩不許過三分準頭取用每兩不許過七分其寫契紙筆茶酒銀錢概行革除夫價每名大錢一百至貲不許過一百二十文外加保夫錢十文如此外仍敢多索暗取明分苦累商民者許受害客商船戶脚夫指名赴該管衙門稟報立拿究追枷示倘敢陽奉陰違或經訪聞或被告發定行嚴拿重處决不寬貸各宜凜遵

禁灰牙勒索

為嚴禁私充灰牙杜勒索以重農務事照得燒田瘠土全賴人力滋培故糞土之用于農為亟然檢

拾挑換于物為至賤于事為至褻從來貨利所關
方設牙行估值未有灰糞之徵亦設牙行霸佔取
用者也乃有南新二縣所屬沿河一帶地方有等
遊手無賴棍徒遇有進賢等縣近村農民駕船換
灰膽敢擅稱灰牙輒計換灰人數按名索取河準
租豆又勒牙用豆及神福酒食等項稍拂其慙動
輒指留船隻逞兇滋擾惡徒罔利妨害農民未有
若是其無賴者也除行南昌府嚴查懲究外合行
示禁仰該地居民人等知悉嗣後不論本縣異縣
農民挑換灰糞歇船河準俱聽自便如有前項地

棍仍敢勒索河華牙用地方保約與同受害之人
即扭稟該管地方官查拿枷責示衆地保狗隱一
體治罪決不姑寬各宜凜遵

再禁健訟

為曉諭事照得歲稔年豐閭閻久慶盈寧之福

皇恩疊沛士民宜安熙皞之天况時值隆冬轉瞬歲暮
豈宜匍匐公庭廢時失業除另行出示凡事干謀
叛命盜貪賊壞法等重情照舊受理其餘一應戶
婚田產鬪鬩等細事槩不許呈控受理通飭遵行
外但江省向有一等健訟刁徒教唆積棍架風波

于紙上喊冤抑下輿前簧惑愚民恣其砌捏甚至
屢批迭控瀆擾無休此等刁徒實貽民害本署司
職膺風紀有犯必嚴除現在密訪查拿外合行出
示曉諭仰按屬軍民人等知悉屆茲歲暮務宜各
安本業屏跡庭前勿恃強而恣事勿恃訟以為能
早圖卒歲之謀以遂安居之樂即有事關重大情
切剝膚宜赴該管地方官控究亦不得赴司越告
倘敢仍前逞訟故抗不遵定即拿究遞回各宜凜
慎毋貽後悔

禁歲暮搶親

為嚴禁搶親惡習以維風化事照得夫婦為人倫之首婚嫁合兩姓之歡自宜謹遵禮訓雅結朱陳豈容挾橫逞強恣行搶奪江省每當歲暮輒有搶親惡習或聘定未明或禮節未周一則強措一則強娶聚眾逞蠻公行無忌更有孤嫠少寡夫家則藉為居竒母家則妄圖再聘兩家互許彼此競求甚至一人主婚而又視財禮之多寡為去取遂至爭娶之家糾克強搶角毆許訟敗俗傷風莫此為甚除行各府嚴禁外合行出示曉諭仰按屬軍民人等知悉嗣後結配婚姻務宜明婚正娶倘敢仍

蹈前轍恃強搶親或經訪聞或被告發定即按以
滄奪重律治罪本署司為改移惡習起見言出法
隨斷不輕恕各宜凜遵毋貽後悔

再禁歲夜盜葬

為再申歲夜盜葬之禁以除積習事照得江省風
俗惑於風水滅骸挖塚無毒不施冒佔強侵無奸
不作本司之誥誠業已頽禿唇焦而訟牘之紛繁
猶且盈几積案此固江省第一惡風亦愚民第一
痼疾屆茲歲暮盜葬猶多蓋狡黠之徒貪人吉地
輒乘歲夜人不及防潛自偷埋以圖爭佔迨地主

知覺公行發掘互爭互毆訟結公庭究之業各有
主難以強爭徒使禍及身家殃貽枯骨于理何垂
于心何忍人有愛護之物必不肖委之路人抑思
人所當護寧有過于祖父遺骸者而潛埋偷葬于
必爭必毀之地絕不慮其發掘拋殘此尚得謂有
人心者乎本署司固知愚罔之民狃于積習必難
以空言救正然人非木石豈竟無一隙之明故又
不憚徃復叮嚀再申示禁仰按屬軍民人等知悉
嗣後喪葬發冢隨時瘞厝隨地安埋俾幽骨早安
寔安則身家獲享安寧倘有刁惡無賴之徒仍踵

惡風乘機盜塋一經發覺法必嚴懲孰吉孰凶利害攸判各宜省遵毋忽

示當舖

為曉諭事照得典舖酌讓利息原經本司會議除行息仍照舊二分外如有當舖期滿一年取贖者讓利一月二年取贖者讓利二月久經通行并頒示飭遵在案茲屆歲暮民間典取倍于平時誠恐法久禁弛合再通示曉諭仰典商人等知悉務遵詳定成規期滿一年讓利一月二年讓利二月戡頭銀水務要出入一例毋得恣意苛剝至于鄉民

遠來取贖尤宜隨時給發不得任意刁措致累守候倘或視為故套不遵勸諭一經訪出法在必懲慎之毋忽

禁剪毀制錢打造銅器

為再申剪毀制錢打造銅器之禁以昭

國法以曉愚頑事照得私毀制錢久示禁例毋論多寡大小槩依私鑄為從律立絞何等嚴切無如玩法奸徒惟知射利仍敢私毀以供造器之用如新建縣向庚生南昌縣成常四現俱嚴拿監禁依律審擬重則立正

為此示仰按屬人等知悉嗣後如仍有窩匿流土
娼妓誘害良民及藉名挑牙虫等項名色沿街喊
叫在地滋事一經訪聞定即嚴拿按法究處該地
坊捕保甲務須不時察報無得容留倘敢陽奉陰
違仍前容隱或經查獲或被報發除窩匿之人及
本婦拿究外定將該地坊捕保甲一併鎖拿重處
本署司言出法隨決不姑貸各宜凜遵毋忽特示
再禁渡夫索詐

為再行嚴禁事照得章德二渡乃行商必由之所
每船裝載人數應給渡錢本司久已定有成規不

許多索仍委官輪流稽察以防陽奉陰違距日久
法弛訪聞各委員並不親身稽察僅委差役徃查
惟日向渡夫索取酒錢自數十文至百文不等地
保為之串合分肥渡夫藉此益無所忌多載橫索
滋累客商觀玩珠甚合再嚴示查禁為此示仰巡
查官役渡夫人等知悉嗣後務遵本司示禁定式
不許任意多載多索值月巡查官員務須親身查
視毋許委役代查致滋需索擾累如再仍前陽奉
陰違一經察出官則詳究役則重處渡夫立拏加
示河干決不寬貸各宜凜遵毋違

禁高擡鹽價示

為嚴禁高擡鹽價以便民生事照得食鹽為民間
日用所必需而取買止于官準非同布帛菽粟可
以隨處購取前恐昂貴滋弊曾經鹽道定價詳明
飭遵雖以便民然引疏課裕亦未始不以便商商
販人等自宜公平貨賣以資民食豈容仍事高昂
今查省會鹽價猶復日漸增長雖前據該商稟因
鹽引未到遂致昂貴但延今多日豈尚未到明係
隨路逗遛冀欲藉端昂價查引鹽運銷定有限期
難任故延以重民困除一面密委委員沿途查儆

外合行示禁仰該商速將捆運鹽觔呈夜僱運源
源接濟鋪販人等務照常價公平售賣不得任意
停滯藉口高擡網利病民倘敢故違定即查究凜
之慎之

飭禁南城縣婦女燒香聚賭示

為飭禁事照得正家之道首在閨門閨門不肅則
家範不嚴整肅之道無外謹內外慎出入而已是
故內言不出外言不入所以昭婦則也言語之微
且猶率謹何況其他乃訪聞南城縣地方苟非謹
守禮教之家其婦女徃徃不分貧富習尚嬉遊盛

飾靚粧燒香佛寺僧俗往來男女雜遯恬不為怪
以致不法僧徒每以積經禮懺為名糾首醵金出
入人家誘騙種種弊不勝言又訪更有紳衿家婦
女彼此乘輿往來戚鄰之家竟以牌骰聯會晝夜
聚賭抑思不肖子弟狎群游戲耽志樗蒲猶足敗
其家門願以謹守閨門之婦女而畧無檢束成何
家法成何風俗本司既悉其弊不行申禁長此安
窮為此示仰南城縣紳士庶民人等知悉嗣後務
肅家規以維頽俗凡朔望年節婦女人等際不得
令其入寺燒香并往來親鄰之家彼此聚賭如示

禁之後仍有不遵紳衿則嚴拿僕從庶民則嚴究夫男容留僧道一併枷責本司雖整率民風亦即為爾等防閑家法務各凜遵俾婦道修而閭教肅斯家道齊而風俗正矣特示

禁止漁船夜捕

為嚴禁漁船夜捕以靖地方以安商輯事照得西省襟江帶湖水澤綿邈通各省之舟楫集遠境之商民或挈行囊或攜貨物衝濤破浪莫覓蠅頭乃有江湖宵小輒瞰孤舟易欺中流尾隨百端肆竊殊可痛恨本司業已嚴飭沿湖州縣禁止商船夜

行并將各埠船隻及網漁夾槳等船一例列號編
伍立法稽查以永杜匪竊之犯近復訪得有等不
法漁戶借捕魚名色乘夜四出不論馬頭營汎凡
有商船停泊窺伺熟睡即用撓鈎探竊衣服貨物
甚有鈎傷手臂頭面者及至叫呼已盡槩遠逝復
向他舟行竊貽害水鄉實非淺鮮除現在密行查
拿外合亟出示嚴禁為此示仰各屬水鄉營汎地
保人等知悉凡遇漁船停泊處所查明原編字號
姓名數目日則任其採捕資生夜則務令仍歸泊
所毋許四出官河乘夜採捕如有違禁不遵仍蹈

前轍或經首發或被案獲將本犯按律究處決不姑貸倘營汎地保人等不實力查禁致前項不法漁戶夜漁滋事病商擾良一經察出定將該汎目移究地保立行革懲本司言出法隨慎勿泛視其各凜遵毋忽特示

飭禁考童聽誘倩鎗

為嚴禁倩鎗代考之弊以端士習事照得招搖撞騙固千

功令而倩鎗代考律例同嚴况 學院至公至明一切鎗手招搖難逃察究本司屢經切諭何等詳明

乃猶有愍不畏死之棍徒，盡美煽惑如贛州府現
獲之陳品、從窩鎗金秉乾等，誘騙會昌安遠信豐
三縣童生蔣上遴、王上堂、劉麟、曾宗瑚、康文燦等，
倩雇入場。又有會昌縣童生趙繼雲被戴才萬等
設局撞騙之案，雖俱經拿獲，現在分別擬遣。在陳
品、從、戴才萬等逞奸勾誘，金秉乾等公行鎗代，一
干誘害良民之巨奸邪棍，按律寘法，固不足惜。而
童生蔣上遴等方出童年，咸無知識，被其簧惑，一
旦陷身刑法，頗堪憫惻。誠恐江省地方染于積俗，
奸棍愚童所在多有。今學院將次按臨，不無前

項棍徒隨棚勾誘除現在察行查拿外合行示禁
為此示仰應試生童人等知悉嗣後各宜凜守法
紀自安義命不得妄信奸徒蠱騙雇倩鎗代致罹
法網倘有不法棍徒陰行騙誘務即首官既不貽
悞功名亦不致干罪戾若仍妄希僥倖甘墮術中
一經訪拿法難姑宥童年流竄身命兩隳亦復奚
為慎之毋忽

飭禁壘網增價

為飭禁壘網控價射利累民事照得食鹽一項為
民間日用必需商人領運售銷自應源源抵埠平

價發賣庶鹽觔不乏而民用克濟本司查江西省
準各商現在運行甲寅綱抵岍引鹽業已分銷南
瑞等八府所存無幾而後運到準船隻甚屬稀少
以致鹽價日增民苦茹淡若不嚴查飭禁必更擡
價累民除現在崇差賚文詳請 鑒二憲迅速備
運接濟并差役前往湖口青山等處催押鹽船駁
載赴省以應售賣外合就出示曉諭為此示仰商
販舖戶人等知悉嗣後爾等銷賣鹽觔務須接續
備運公平交易如敢壓網擡價射利病民一經察
出定即拿究凜遵毋違

示卡商協巡

示巡商巴廣大高質遠衷顯等知悉照得行銷引
鹽例分疆界向因安仁等處私鹽侵越是以動撥
公費設卡分巡以資堵禦在該商自應仰體委任
肅督副巡各商并巡丁人等嚴行查緝毋致虛糜
卡費故縱偷安至所募巡丁尤須選擇端慤誠實
之人毋使不法奸徒鑽頂營冒始合機宜今查各
該商久居省會竟不赴卡親查而巡丁人等玩縱
自由間獲私徒鹽多者得錢賣放鹽少者稟報塞
責弊竇叢生殊非設卡巡查之意亟當飭禁為以

示仰巡商人等即便呈往卡所協同副商巡丁各
于要隘處所實力巡查毋再仍前違玩倘有副商
擅離卡所及玩縱不法情事立即據實密稟以憑
更換如該商瞻徇隱諱并借端他往致悞巡防一
經察出定行詳革所有巡丁人等務須嚴加約束
毋許賄放妄拿滋事如有酗酒偷安不法等弊即
行查明另募承充倘再容隱事發之日定將該商
一并究治決不姑寬特示

禁船戶闖橋

為嚴禁船戶闖橋以杜私販以肅法紀事照得香

屯地方因與婺源縣之小港口連界每有棍徒越
販浙私侵害准引是以詳明 各院憲設立浮橋
委員彈壓專司啟閉原以稽梟販而利疏銷今訪
聞本年二月中旬山水陡發浮橋不能連絡輒有
不法船戶乘水闖橋不候稽查殊干

功令合行示禁為此示仰巡商卡丁人等知悉自示
之後各宜加謹稽防如有不法船戶仍行闖橋不
服稽查許在事負役立即拿解有司審明詳報以
憑重懲至該委員及巡役人等遇有船到隨查隨
放亦不得藉端留難需索滋事均毋故違致干察

究

禁鹽摺占買公鹽

為曉諭事照得省埠船鹽前因抵岸稀少價目漸增經本司詳明撥借吉鹽二十四萬包以資民食原欲使鹽價日平民食充裕近訪在省舖戶售賣公鹽則量為平減而外屬舖販價仍昂貴至鹽摺久奉禁草近復違禁出售致使現開鹽店者無鹽分銷而原摺有名之人反得賣摺射利以啟弊端殊為不合除經諭令該商再借吉埠引鹽三十萬包平價分銷外合行出示曉諭為此示仰外屬舖

販居民人等知悉嗣後爾等赴旗買鹽運回轉賣
止許量增水脚一例平價售銷不得低昂射利其
現在公鹽凡在省鹽店俱須一體分售亦不得藉
賣鹽摺獨行射利倘敢故違一經察出定即嚴拿
重究決不姑貸各宜凜遵毋違特示

再禁私販

為再行曉諭嚴禁私販以肅法紀事照得興販私
鹽有干嚴例屢經通飭查禁欽奉

上諭貧窮老少男婦挑負四十斤以下者不許禁捕原
因地方官縱放大梟妄拿小販特垂

禁令無非

聖主軫念貧難老弱之民俾資餬口以示懷保惠鮮之德其精力強壯之徒原不在免捕之例近訪各屬鹽徒多有藉端囤販公行無忌者除現在嚴禁查拏外茲奉 部議凡有肩挑背負應照淮浙現行之例男年六十以上十五以下及少壯之有殘疾者其婦女亦止老年而孤獨無依者許其報明地方官驗實給以印烙腰牌每日赴場背負四十斤以下易米度日如不合例之人不許借端與販并不許船裝越境成群結隊等語業經通飭恪遵在

案可見老幼背負不禁原止附近場竈之民江省
既非產鹽之地相距場竈甚遠豈得藉端越販誠
恐無知愚民仍有干犯馴至結黨成群流為巨梟
積販滋擾地方合再曉諭嗣後務宜各安本業不
得藉端挑負致罹法網如有不法奸徒肆行無忌
結黨成群越境與販巡捕人役務即嚴拿稟究倘
該地方官督率不嚴巡役奉行不力致私鹽充斥
梟販橫行定行叅處各宜凜遵毋貽後悔

禁兵丁串結生事

為嚴禁兵丁勾結地棍生事逞兇以靖地方事照

得巡守兵丁與地方保正原以盤詰奸宄稽查匪類遇有地方無賴不法生事應即查拿首報以申法紀豈容串帮勾結生事逞克欺陵良善今本司訪得標營兵目或派守城門或巡查街道每每勾連地方無賴遇事生風出頭攔把動輒撒潑打降欺壓良民保正甲長聯為一氣匿不首報印官無從察究以致逞強無忌霸壓一方懦弱良民及寄居客戶無不吞聲忍忍甚為地方之害除飭南新二縣查拿外合亟嚴禁為此示仰兵丁及地方保甲人等知悉嗣後奉派把守城門者則稽嚴出入

盤詰奸宄奉派稽查地方者則勤慎稽查嚴絕奸
匪各宜遵法自守毋得恃兵多事倘敢仍前為連
地方無賴棍徒霸壓地方欺陵良善該保甲立即
稟報以憑嚴拿移卒究處如敢隱匿一經訪聞立
拏加責各宜凜遵毋忽特示

禁典舖開遲閉早

為曉諭事照得江右典舖率多開遲閉早當茲臘
暮貧民為終歲之計工忙事迫或持本取質或攜
物當錢皆屬急需燃眉待濟乃或早或晚偶非其
時不係未開則係已閉輒令貧民守候典門任呼

不應以致擁擠嘈雜漸滋事端既非所以使人亦非所以自便合即曉諭為此示仰典戶人等知悉屆茲歲暮質錢贖當之人十倍平時務宜愈加勤早量時啓閉不得仍前開遲閉早致使貧民奔走守候須知濟人即以利己事屬兩便慎勿故違致干察究

禁止藉稱祠禁勒罰滋事

為嚴禁藉名祠禁勒罰戕命之惡習以敦風俗事照得祠堂之設原以報本崇先敦倫睦族俾子姓昭穆歲時成集俎豆奉虔之後則講孝興悌獎善

而教不善，俾不善者咸歸於善，然後倫叙正而風俗淳。禮教興而祠規立，實未聞有饕餮口腹戕虐身命之族禁也。江省故家大族以及編民之家皆設立祠堂，以展歲時之饗，其尊親崇本者固自不乏。而城鄉暴戶輒有不法，族惡遇事生風，偶見族人稍有干犯，不計親疎，不問輕重，動稱祠禁，輒糾多人羣聚，醉飽少不遂，恣索無休，甚至擊鼓聚衆，押寫服辜，倡言致死，而族中無賴惡少借勢逞威，或綑縛擡溺，或毒毆活埋，以昭孝昭敬之區，為滅性滅倫之地。族黨不勸地鄰，不阻群相效尤，群

相隱匿此等惡俗殊駭見聞本司蒞任以來屢經懲創而現在仍報案頻聞夫一族之中賢愚不等所賴父兄尊長教率于平時戒飭于臨事故人樂有賢父兄也若勒罰以飽貪饑戕命以逞兇暴是睦族而族誼已乖敦倫而倫紀已滅以祖宗為有知能無隱恫以祖宗為無知則祠堂之設又復奚為究之殺人者死

國有常刑則戕人適以自戕此時悔恨又復奚及合亟曉諭為此示仰按屬軍民人等知悉嗣後如有族人干犯法紀教誡不浚輕則量以家法責懲重

則請以官法究處倘有仍前託名祠禁勒罰滋事者定即照律科懲倘敢倡議將人致死者造意加功定即按照謀故情形分別坐以斬絞重辟不行勸首之族黨地隣一體科罪本司期在力挽頽風以敦民俗決不肯稍為寬假爾等當思立廟奉先仁愛所自生禮義所從出卑幼之率教不謹端由尊長之化導不切若告誡無方饋餼是議已屬可愧可醜况復因之毒命犯典干刑試問得罪祖宗貽羞族黨孰有過于此者而方且侈言族禁恬不為怪是尚得為有人心者乎其各凜慎恪遵毋貽

後悔特示

禁止捏竊斃命

為嚴禁捏竊斃命之惡習以儆克愚以重民命事
照得人命至重謀故鬪毆均干法律乃江省惡習
或因夙昔微嫌或因偶爾口角輒逞兇鋒毒戕人
命迨其既斃則賄串地鄰拋屍滅迹或經地方官
訪察則投托訟棍不云擒竊鬪傷則曰拒捕格殺
干証地隣聯成一片恣其狡捏究之竊盜無賊拒
捕無傷作為毫無影响之詞以掩其殺人無忌之
罪不知竊盜果真方其穿窬鑽隙則原未入室攫

賊何難喊衆同驅踪跡其所在鳴官拘治即賊已入室業已知覺聲喊要不難即時追捕豈容輒逞克殘立寘于死是竊賊即真亦干擅殺之律況本非竊盜憑空狡飾藐

憲典而輕人命法豈能容惡俗相沿所在多有殊堪髮指合亟通示飭禁為此示仰按屬軍民人等知悉自後各宜平心斂氣秉理畏法倘有懷挾私嫌無故將人致死拋屍滅迹串同地隣捏竊狡抵定按其情節坐以謀故重辟即使其人行竊是正而竊盜無贓拒捕無傷亦必坐以擅殺之律分別絞

徒訟師教誘地鄰串隱一體照律科擬必不姑寬
爾軍民人等務宜痛自警省慎勿逞兇恣狡自干
身家性命之憂本司言出法隨凜遵毋忽特示

嚴禁贛信二邑學拳串戲

為嚴禁學拳習戲之惡俗以重身命以端人品事
照得四民之執業不同要在安分循規去華崇實
學習拳棒者行武鬪狠演習歌彈者迹類優俳一
則趨于暴恣一則流于卑污苟知自好均所不為
今本司計聞贛屬之贛信二縣有種凶命匪徒日
以兵拳習棒為事白號打師煉筋服壯剛狠自雄

又有一種浮浪子弟徵歌串劇與戲子優童群居
飲樂白己高堂居然扮演全不為怪而拳師唱客
因之勾誘相率成風紳衿子弟習于縱逸被惑尤
多夫既為良民當思恒業拳棒即至甚工要不過
為打降無賴之徒歌唱即成絕調要不過為優孟
衣冠之戲固無裨于身家且日流于污下至于紳
衿子弟家本書云宜奮志潛脩庶幾箕裘克紹
乃亦甘心忝棄自墮家聲勞力費神終歸厮賤其
勢不為兇辟不入優伶將不止也此雖子弟之率
不謹亦由父兄之教不嚴合亟申禁庶挽頹風為

此示仰該縣士民人等知悉嗣後士農工賈務
本業父教其子兄誡其弟毋許仍前學拳習戲流
為匪僻如有仍蹈前轍者該地方官立即嚴拿究
處父師不行教誡一併據實詳究其拳師串客務
必驅逐不得稍為徇縱亦不得藉端騷擾各宜凜
遵痛改惡俗特示

再嚴賭博私宰等示

為再申禁令以警愚頑事照得本司秉臬西江業
經八載民情土俗訪察頗周凡闕有害民生業已
屢申條禁第恐奸頑之輩怙惡難悛當此三農既

畢百寶告登遊手者或恣情賭博習匪者或肆志
穿窬清理夙逋者或刁延而強逼牟取姦利者或
私宰而剪邊皆屬有害民生徒使身干法典為此
再申告戒條列如左

一開場賭博律禁甚嚴本司業經三令五申而此風
猶未盡戢今因牌數禁絕而各處押寶跌錢者尤
多不知攜資角勝即與賭博同科就使漏網而廢
時失業破家喪資已不能免况

王法難逃罪無不露重則杖徒輕則枷責又何苦明
知汝犯貽害身家凡爾愚民痛當改悔

一偷竊掏摸上則干犯刑章下則貽羞鄉黨刺面懸鈴並為乞丐所笑人類至此何以為人抑思貧賤人所恒有與其乘間伺隙鑽穴穿垣何如背負肩挑辛勤力作一轉移間奸良迥別既免官刑復無私累匪竊之徒亟宜猛省

欠錢索逋事本兩平在負者欠債還錢固當踐信踐約而索者恩假義貸亦當全始全終乃一則安心負賴一則任意追呼小則鬪毆成訟大而人命干連本司披閱案卷由此肇釁者十居五六深願爾民各宜平心息氣善借好還慎勿逞一朝之忿

以貽一身之累

一私宰剪邊輕則枷杖重則遣戍姦利之徒豈不知其有干重典而明知故犯不過利其本少而息多耳不知一朝敗露身家俱累禍及妻孥孰得孰失貧富自有定命但在勤力經營不在奸貪非分慎勿以身試法噬臍何及

以上各條本司深知江右愚民犯者甚衆故不憚諄切言之除一面示禁外仍行密加稽訪有犯必嚴各宜凜遵毋違特示

禁刁徒藐官滋事

為嚴禁刁徒藐官滋事之惡習以厚風俗事照得
地方衿庶之與官長雖勢分懸殊其實呼吸相關
痛癢一體為上者事事以恤下為心在下者時時
以親上為念則上下相維勢繫情屬而教養可施
父母赤子此心此理也江省風俗衿庶中淳良安
分敬官守法者所在多有而一種頑梗之徒專以
告官告吏為能事肆口污讟澆薄成風藐抗挾制
者亦復不少大抵建昌之南豐廣信之鉛山等邑
為最揆厥所由皆緣平日逞刁健訟之徒或強奪
墳山或占爭田土或欺蔑良善或抗納錢糧地方

官不能曲法徇情未獲遂其奸私輒即視同仇怨
平時則察揭款單暗恣謗讟離任則糾黨集衆公
肆欺陵不知官員之賢否上司自有見聞事故之
虛實上司自有明察斷不因刁徒之攻訐亂官守
之是非卽有處斷不公身負屈抑何難赴上告理
乃敢藏頭露尾砌款匿揭作此魑魅之舉至地方
官緣事離任雖事權已謝固向曾臨我治我者也
卽無恩澤及人要亦莫能予毒何苦自居于薄輒
圖報復藉事誹張此等澆風實為刁薄除現在密
訪查拿外合亟嚴禁為此示仰按察一應衿庶軍

民人等知悉示後各宜循分自安共勉親上之誠以樂昇平之化凡有前項棍徒務宜湔除惡習勉作良民其或怙惡不悛敢復逞其囂張則

憲典具在銜難逃于法網本司職司風紀首在禁戢刁民各宜稟遵毋自貽戚

務實學教

士子誦法聖賢所以脩身立行也脩身者何正其心而不流于邪僻養其性而不至于枯亡所謂內積忠信以進德也立行者何仁義忠信不離乎心所謂造次顛沛必于是出處語默必于是也周子

曰聖希天賢希聖士希賢又曰聖人之道入乎耳存乎心蘊之為德行行之為事業彼以文辭而已者陋矣蓋人之蘊蓄由學而大不聞聖賢之言則無以求其心不考聖賢之行則無以察其用故必學問思辨以致其知篤行以固其守而後理得心融措之于日用推之于家國天下而無難今

國家重道右文首崇實學實學者脩身立行也而學者不達不為已而為人不務內而務外以博問強記為能以鏤文琢句為事此正程子所謂榮華之言鮮有至于道者也其病在于總披書卷便以文

章為說分題制藝以外更無事事師以是傳弟以是受就使體會精微要與身心了無交涉夫文章者載道之器也然必實有之而後能言之所謂有德者必有言也既無所得于中徒為摸索影嚮之詞終必離真失正反害于道程伯子曰脩辭立其誠者言道之浩浩何處下手惟立誠緣有可居之處由是觀之脩辭者正以脩省其身也不立誠而修辭且猶失之為偽而今之所謂修辭者則更異是四子之書聖賢心學之傳也經天緯地之理修齊治平之道胥于是載體之則為實學行之則為

實政故上以是求下以是應今學者敷衍陳說祇成庸靡之辭坐而言者不皆可起而行而虛囂寡陋之于方且揣題擬墨剽獵記誦以求僥倖于一得且不知四子之書為何等矣又烏知所謂修辭耶而性命之學寂焉無聞六經皆載道之書如日月之經天江河之行地學者所當飲食饜飫者也乃專經家務為簡易刪節全經以利記誦甚至剽襲成文以求逞于場屋故有自就塾以至成名不覩全經者詔以大義莫不面墻而家法之異同注疏之得失更不可問矣夫造詣不根于性命文章

不本于六經縱復自說其能夸多鬪麗而士習益
媮文風愈下故實學之不講未有甚于今日者也
本司職司弼教深維士習者教化之源實學者士
行之本雖自維學殖荒陋然少服父兄師友之訓
思所以脩身立行者拳拳于中故願與誦法聖賢
者交相勗也諸生其務力返靡風勉求實際于聖
賢之書熟讀之精思之明辨之反之身而力行之
一事一物必求其理一動一靜必合其宜如張子
所謂言有教動有法晝有為宵有得息有養瞬有
存然後理明而辭達體立而用周發而為言則不

詭于道措而為事則不窒于行本之日用倫常而各足達之天下國家而裕如所謂脩身者此也所謂力行者此也抑又聞之朱子曰書不記熟讀可記義不精細思可精惟有志不立直是無着力處則立志尤為切務也夫制藝取士久矣名儒宿學莫不出此士志所趨宜其不免然當其席珍待聘時固志在進取當其執經問業時當志在聖賢惟其志在聖賢則一切功名利祿之見無自而生方覺聖賢千言萬語無非實理方寸中有不知其惕然媿懼奮然勇決者優游涵泳之既久其心胸眼

界自將別有會心別有見地迴念前此之剛節全
經標題擬墨不既爽然自失恥恨無地乎不特此
也周邵二程張朱之書立四子之階梯會六經之
突奧皆所以羽翼聖經繼續道統也今諸生之敏
特者時藝而外則役其心于類函六帖諸書撫拾
幽僻以務該博而于闡發性命表章經學之言畧
不寓目是又舍本逐末之尤者矣凡皆不立志之
流病也諸生勉旃

公山通融附墓示

為曉諭事照得公山不許附墓原恐子姓繁衍之

族不論貧富槩得附瘞未免侵宗逼祖故俗多禁
例不知在族人之力能售地卜葬者貪得風水暴
其親棺假附祖之名以為佔葬之地固不可容若
果實在貧無所賴至不能營咫尺之地以掩其親
此在路人猶當矜憫况同一本則于祖山無礙處
所俛許附葬實可通融江省徂于風水信堪輿而
薄宗黨不但無恤族掩骼之仁方且藉稱公山糾
衆發掘擡棺藏匿者比比而是告訐之風所由不
息也今蒙 撫憲準情酌理定以規條教民以敦
本睦族而刁橫者無強葬之虞貧弱者無暴棺之

痛于理為至明于法為至當誠恐愚民囿于習俗
仍滋留難或刁徒藉名挾制轉得侵埋合行明白
曉諭為此示仰按屬軍民人等知悉嗣後如有力
能買地之家不為先人窆窆之謀揅塋祖墳即為
不孝定行枷責以懲棺柩押打如果力不能置地
而親棺久暴者許于祖塋無碍處所度地營塋視
其祖墳地址之廣狹廣者照例在四圍九步之外
狹者亦不得在四面五尺之中卜塋時仍須先經
同族衆從公酌定倘不經族而私埋者仍治以罪
若果逼近祖塚有關合族風水許族衆公呈地方

官勘驗量斷固不得仍習俗而薄宗誼亦不得藉公山而圖壓佔違者並治以違令之罪其已葬之棺既經入土復行扞葬者槩行禁絕有犯必懲特示

戒輕生示

為勸戒輕生以重人命事照得人為萬物之靈故曰天地之間人為貴父生之母育之自孩提以至長成幾竭劬勞所以望其立業成人撐持門戶生則事養死則喪祭何等勤拳其間雖貧富不齊強弱不等而境遇所遭亦順逆不一莫不各由分定

既已戴髮含齒要當循分務業盡其在我以人身
言固不當自戕以父母言則尤當自惜若既娶既
育則又有妻子之倚賴更不忍自捐至婦人女子
雖苦樂由人然既以身字人則逐雞逐犬惟安其
命況同此父生母鞠之身而又有侍翁奉姑相夫
育子之事尤當自遵柔道以執婦功乃江省風俗
無論男婦率自賤其身或隣里忿爭或家人詬誶
全無大故動即捐軀有兄弟因爭錢六文而死者
有隣人因爭莧菜數株而死者有姑媳因洗破一
碗而死者有姊姊因爭拾花子數枚而俱死者更

有並未與人角口因人不招飲而死者又有因鷄
鷹攫取小雞一隻而死者凡此之類不一而足自
視其命直不如糞土草芥以等愚夫愚婦豈真負
性尚氣以死為強夫亦見小識界計無所復拚一
死以陷人不知自盡人命從無抵例就使加人一
杖而已則已拚一生曾何損于人而先害于己本
司每當披閱深用矜憐徃已頒發五傷圖以冀愚
民觸目警心然鄉民村婦明理者少驟難猝化故
不憚諄詳再行切示仰按屬軍民人等知悉嗣後
周旋隣里以讓為先敦睦家庭以和為貴不幸而

有口角微嫌皆宜理恕情遣語云一爭兩醜一讓
兩有可見讓得一時便有無窮受用又何苦以私
嫌小忿自喪其軀至若貧苦無聊搃在辛勤力作
人生至苦無如一死既不惜其死則又何苦不可
受當念父母之生我不易妻子之倚靠無資螻蟻
之賤且復貪生豈有人身虫蠟不若至婦女更多
偏見尤在夫男遇事化導俾之少明義理亦斷不
至無故捐軀庶村農婦子咸得全自然之天而節
屋編氓亦漸臻仁讓之俗矣其各敬聽毋忽

禁祝冥壽及外親逾服設薦

為飭禁慶祝冥壽及姻親期年設薦之陋習以端風教事照得生事塋祭禮有常經誠以孝子之心無盡而禮則有盡故制禮以節之苟逾典則即為非禮即為薄親乃江省風俗多有將已死祖父母父母計其生年當七十八十以上每逢生忌即受賀設席親朋雜沓鼓樂喧庭甚至演戲為樂謂之慶祝冥壽不知生則為壽人已久死何壽足云况當先人生忌正追念生平哀思迫切之時而居然款賓燕樂何以自安至姻道雖宜從厚而塋祭要有常儀乃江省風俗又有值妻父母死之週年復

為之備物延僧重行薦饗以致愚婦視為當然竟
有逼其夫設祭角口致命者不知婿之于妻父母
服止總麻是週年久已釋服安有復為追薦之理
此皆習于陋俗而不知其悖禮之甚也本司職司
風教深恐愚民習染難移合即明白示禁為此示
仰按屬軍民人等知悉日後凡有慶祝冥壽及姻
親週年設薦陋習各宜湔除務宜循分守禮以端
風俗豈惟免悖禮之嫌亦以省無益之費至士為
四民之首尤宜首先凜奉以為鄉俗之勸本司尤
有厚望焉毋違特示

設立懸牌示

為設立懸示之法以杜指撞事照得本司衙門為法紀重地經理一切案件大而命盜小而庶務無非生死所關曲直所繫本司雖隨到隨辦應駁者駁應轉者轉初不假手書吏而各州縣出詳發解之後未免慮有推駁不能即轉再或所定罪名介于出入所扣限期涉于遲逾是非或有未洽輕重或有未符意欲彌縫密圖偵探又有緣案在事之人得理者慮有變易失理者意在翻更因之覓線勾風闖通書吏抄詳抄稿百計營謀書承達于事

件工于揣摩遂滋拍撞諸弊叢生殊不知本司所
辦事件是非輕重自有常經自有定法其是者雖
本司不能指為非其非者雖本司不能指為是法
應重者雖本司不能減之輕法應輕者雖本司不
能入之重則書吏又何能為但愚惑不解則弊竇
不除本司深悉其由仰惟 院憲清源端本之治
開誠布信之公特立懸示之法凡各府詳解到各
屬一切大小案件親行披閱後或應審轉或應駁
回或應照結或應改正一面飭房辦理即一面將
如何辦理緣由懸牌示諭五日收繳俾上下曉然

既無所用其幹旋又何必復行窺探既無勾探之人自無指撞之事則關防不嚴而自嚴弊端不草而自草矣除通行各府外合行出示曉諭為此示仰按屬人等知悉凡各州縣衙門家人差役及一切辜犯原被干連人等如有本地方官審解審詳事件均不必遠來探聽及勾通書吏冒昧請託或有來省探聽者均候牌示不得自生愚惑甘被詐欺自示之後倘有干犯一經訪聞定即嚴拿重究毋貽後悔凜慎毋違

設立行票示

為設立行店聯票之法以杜侵騙以恤商賈事照
得一應客商載貨投行憑牙發店評價歸賬皆藉
牙行于中交易客人與店家別無執據以致不法
牙行往往侵吞客本貽累客商今本司特立聯票
之法詳奉 撫憲通頒各屬合行曉示為此示仰
按屬地方各牙行店家及往來商賈人等一體知
悉嗣後各行照式設立合同聯票凡客貨到行行
家代為發店後即將客貨若干議價若干付過下
欠若干約定何日兌交三面填明合同票內中用

本客本店圖記花押將聯票裁分一付本客收執

一存本店查對至日清賬店家合票發銀如無合
同對驗店家槩不許發銀如有無票私給者槩不
作準仍照客執聯票清追其銀或不能一次全還
即將陸續還過完欠數目填明票內如有拖欠任
客同經手牙行執票鳴官爾行家務宜公平立票
以彰信實爾商賈務宜收票作憑以免私侵爾店
家務宜憑票發銀以免重索牙行如有匿示不掛
不遵設立合同即屬存心欺騙察出即行追帖草
牙不許復充各宜凜遵毋違特示

崇玉山站夫霸佔擡棺恣行勒索

為再申站夫霸佔勒索之禁以便商旅事照得玉山當兩粵黔楚之衝客商絡繹多有扶櫬過山者先因訪聞該縣站夫包攬舁送民夫不得應雇凡棺櫬到岸站夫輒恣意勒索不飽不休甚為客旅之害隨經檄行該縣核定規議定每棺一具不論民夫站夫酌用八名定限三日到常每名每日給工銀一錢又扛索銀二錢夫行紙筆銀二錢共銀二兩八錢不許站夫包攬亦不許額外多索飭行該縣勒石永遵在案近訪成規雖定而站夫仍藐玩不遵強霸如舊凡遇扶柩過山者必先與站

夫頭趙忠黃君玉等講明方能起棺每棺大者索取一二十兩小者或十餘兩八九兩不等在殷實客商不得不勉應其求以填貪壑如遇貧難過客勢難飽慾徃徃三朝五日措勒不擡又不容行夫擡送過客莫可如何惟有將柩暫頓荒山委之而去此等惡弊豈可姑容除嚴檄玉山縣查究外合再飭禁為此示仰玉山地方各行店并過徃客旅擡夫人等知悉嗣後凡有棺柩過山槩不許站夫包攬各行店代雇民夫俱照原定工價一體擡送或遇農忙歲暮夫少之時行家酌量每夫量增二

分不得額外派索如有站夫仍前霸踞不許行夫
擡送者不論行家客商擡夫立即指稟該縣嚴拿
究處務除惡習各宜凜遵

再禁齋教惑眾

為嚴禁齋教惑眾以正人心事照得邪教不除則
人心不正最為風俗之害故律載一應左道異端
隱藏圖像燒香集眾夜聚曉散佯脩善事煽惑人
民為首者絞為從杖一百流三千里出首者于各
犯名下追銀二十兩充賞所以範俗牖民至為嚴
切乃江省風俗尚邪愚民惑于禍福崇信不疑不

逞之徒因之倡立齋堂妄為經教恣其煽惑從前則爭尚大乘羅教羣趨如鶩繼復惑于黃森官圖敦大教釀成重案業已窮盡根株理論法懲痛為禁遏近年以來癸風稍戢不意巔屬之龍南信豐二縣又有鍾大喬鍾賢書等妄將滇省案犯張保太所倡邪經轉相傳誘名曰最上一乘教以滋愚惑現據該二縣訪拏詳報按法究治可見各處倡齋設教之徒猶未盡泯而江省崇尚邪異之風亦未盡戢也夫愚民何知誰無身家之念豈真甘以其身觸犯

憲典夫亦惑于消災降福之說習而不察迨至一朝
覺露身被官刑所謂消災者適以致災所謂降福
者適以獲禍此時追悔又復何及深恐無知被誘
未盡根株合行通飭示禁為此示仰按屬軍民人
等知悉務須各循本分其有從前悞入者速行返
邪歸正共為

盛世良民為子思孝為弟思悌循分守法與人
不爭即屬現在脩行自必災消福至正不必惑于
邪妄以身試法也自示之後如仍有設齋立教
誘惑愚民及愚妄之徒歸教崇奉者該保地
立即密稟地方

官嚴拏按法律治保地徇隱一并連坐各宜凜遵
再禁聽信訟師誣告

為時屆開訟再申訟棍唆告之禁以曉愚蒙事照
得本司衙門為刑名總匯民間果有卸負深冤地
方官不為申理或贓胥亂法或惡役詐財原得具
情投控俾民隱上通但詞不在多情必以實若支
離狡遁徒逞蕪辭駕捏虛詞祇成誣罔方謂可以
傾人而不知其適以害己此雖由棍師唆使棍蠹
扛幫但唆誘雖則在人虛實要當問己誣告反坐
之律賢愚悉曉何苦妄思僥倖迨至水落石出身

千重典訟師棍蠹誰肯相代本司深悉其由諄諄告誡業已筆秃唇焦而錮蔽難除刁唆猶昔其最可痛恨者莫甚于告爭墳地一事凡遇告期毀祖滅骸之詞十居六七變換情詞輟轉翻控不曰賄蔽金靈則曰官狗吏擱止圖聳准不願審虛本司正期力挽頽風豈肯容若輩恣情刁陷茲屆開期合先曉諭為此示仰按屬軍民人等知悉嗣後凡一切戶婚田土槩不得混行越瀆如果事干重大身受非冤遵用狀式圖記據實直書毋聽唆使駕小作大飾有增無反使實情俱成虛捏要知訟師

鼓舌煽禍之門棍蠹持謀亡家之本慎毋以辛勤
力掙之資飽訟棍貪饕之慾作此未勝先負未得
先失之舉也再呈詞雖不拘文義稱謂亦宜有定
規訟師惡習稱官長動曰天恩天駕稱被告民則
曰惡紳則曰豪衿則曰億監則曰刺呈控則曰奏
曰奏聞詞批則曰勅批曰天語凡此之類不一而
止實為悖妄槩行禁絕均毋故違特示

禁窰廠滋事

為飭禁事照得浮梁縣之景德鎮為燒造磁器之
所五方群萃商賈紛馳百貨奮集市井錯綜除窰

戶外其間唯房匠作以及坯行車坯行畫行彩行
茭草行柴行諸色人等動以萬計率多別籍異民
乘負強梁不糾于法故歷稱景鎮為歲奸紉污逃
亡逋竄之區伊等錙銖必較睚眦必復即銀色飯
食之類少有齟齬動即知會同行罷工罷市以為
挾制甚至合黨成群恣行抄毆此等惡風尤以都
昌人為最自劉公弼一案懲創之後近年以來雖
覺稍戢而上年十一月內又訪有茭草行因銀色
低潮復至停工滋事經地方官勸諭而止可見各
行強悍之風猶未盡泯夫百工技藝業各不同要

皆所以餬口資生但能循分經營則生計自足而
口食可敷強梁滋事倖免有幾迨至破業亡身所
謂餬口資生者安在至窰戶藉窰為業尤當律已
公平一應銀色飯食均宜體恤人情以彰信實刻
苦剝削何以立業深恐愚民罔識仍踵澆風合再
諄示為此示仰景德鎮各窰戶行業人等知悉嗣
後各宜循分執業自圖生計即有窰戶苦剝情事
小則經眾理處重則鳴官公斷倘有仍前糾結同
行罷工抄毆定即嚴拿按律重處其窰戶人等應
給一切工價飯食各宜循照常規公平交易以恤

窮工亦不得刻剝滋事敢有故違一體科治各宜
凜遵

禁瑞金溺女惡習

為曉諭事照得贛南習俗溺女成風業已屢申禁
令乃近訪別屬溺女多緣食貧居賤撫養為艱致
恣殘忍獨瑞金風俗則不在貧戶而在富族不在
齊民而在衿士蓋瑞俗每娶一婦動需錢三四十
千貧民艱于聘娶故子方孩幼視村隣生女滿月
七朝即撫抱童養長為子媳所費不過香蠟雞酒
及錢數千而已貧家利于得資故溺女為少惟富

家巨族子弟英少習于不經之說謂初胎生女不
溺則必連育三女而得子必遲故完婚即斯得男
有生女者當必拋溺此等喪心滅理之語不知倡
自何人而各族深信不疑恬然行之雖父母不禁
親族不阻愚薄之俗衿士亦或不免此更出于尋
常風俗之外者也不知得子遲早原有定命安有
生女必三溺女生男之理人之所以為人惟此一
點天良今既自行戕滅則人道已乖安望復育愚
妄不經殆無喻此合亟曉諭為此示仰瑞邑軍民
人等知悉嗣後生女務即舉育不得仍惑妄言恣

行殘溺倘蔽習不除殘忍猶昔定即照故殺子孫律擬尊長不禁鄉鄰不阻一體究治至衿士讀書明理尤宜以至性感發愚蒙若復躬行乖戾賊及天親已不齒于人類豈得復列膠庠或有干犯定即從重革究毋貽後悔

禁秋審解犯滋擾

為嚴禁秋審人犯在途滋擾事照得時屆秋審各屬解犯絡繹經過處所原令解差人等嚴行管押不使沿途騷擾滋事第思此等幽囚多屬兇頑成性又自謂身負重罪法無可加或遇村庄或經墟

市每有恃點逞兇掠搶食物凌轢路人差役人等
利其強攫分肥並不嚴加管束徃徃聽其滋擾貽
害地方雖屢經查禁而不法克囚玩縱獎役究難
盡戢茲又值秋審解犯之時除一面密行查拏外
合亟通行嚴禁為此示仰各屬城鄉地保沿途塘
汛兵丁人等知悉如有解送秋審人犯在途強買
強搶禁鷺不法解役不行管束許受害之人經同
地保塘汛稟報所在地方有司衙門添撥兵役押
同原解一併解司以憑究處不得徇隱亦不得藉
端滋事欺壓囚徒察出一併重處不得故違

諭告狀人勿聽訟棍哄騙

示諭告狀人等知悉本司職任司刑凡貪官污吏
光棍衙蠹命盜誘拐以及滅倫滅紀事關風化等
項重情有司賄匿枉斷控府未得伸理者許赴司
控其未經控縣控府及一切戶婚田債細事概不
准越訴定例森嚴本司久任西江素悉民情不逞
訟棍以小架大將無作有更難憑信是以事無指
實者未嘗輕准一詞乃包唆訟棍技莫能施遂有
一種慙不畏死之歇店包養訟師窺探告狀之人
頗有家產者輒捏打點名色勾串議銀包告包准

甚至偽造文書捏貼狀榜愚弄無知騙銀到手頃刻瓜分此真魑魅魍魎公行于光天化日之下歷經本司查拏嚴處乃猶有訟棍涂才李周升藍少林歇店劉旭萬誑騙南康縣武生王佐才銀兩之事又聞有寧都縣民李自潔亦經被人誑騙業已嚴拏現在分別發審通詳律擬在此輩指官撞騙身命莫保固其自取而爾等逞一朝之忿妄覲非分甘被詐欺亦復何為本司聽察訟詞惟憑情理斷自一心情真理當者自當為爾等申冤昭拔爾等既不必營謀若無情之詞非理之事披閱了然

當堂立判雖有蠹胥點棍銜難毫髮欺朦爾等又
何從施其營謀大抵詞之准與不准訟之勝與不
勝止在爾等自問理直者必不行求行求者必非
理直徒受棍徒欺哄自甘同罪之律悔又何及其
務循分安業卽有萬不得已之事赴轅控理者亦
靜候閩批慎勿受此種訟棍哄騙以干重律有負
本司諄諄告誡也思之凜之特諭

西江視臬紀事續補

定遠凌燁約銘

條教

禁臨江府典舖苛勒并錢桌包當包贖示

為申嚴典舖苛勒錢桌包當包贖之弊以恆窮黎
事照得緩急人所時有

國家設立印帖許有力商人開張典舖原以濟貧人
一時之困固非為富戶開孳息之端更非為奸徒
長欺詐之弊也往因省會各當舖啟閉不時銀水
低潮小出大入歷經本司示禁嗣又因各錢桌環

倨典首包當包贖欺剝鄉愚名曰攔路虎又曰縛
食鬼弊害種種又奉 前署院嚴示禁革在案今
省會雖覺少戢訪聞臨江府屬典舖門首仍有包
當包贖之棍徒殊為不法夫小民一時空乏急須
典當原可自行交易其包當包贖者非係典舖啟
閉不時或銀水戡頭刻薄或故意刁難則係地方
惡棍欺壓鄉民把持勒騙二者均為民害除一面
密訪查拏外合行示禁為此示仰各典舖及地保
軍民人等知悉嗣後質當一切物件各典務宜各
秉公道銀水戡頭出入一例并早啟晚閉以便鄉

民毋許絲毫苛勒其質當贖當之人俱與本典面
同交易概不許地棍包攬嗣後如仍有前項不法
棍徒恃強霸倨典門強勒代當代贖許鄉保諸色
人等立時扭稟有司重法究處必不姑寬各宜凜
遵毋違特示

禁富戶苛剥刁徒遏禁通示

為嚴禁富戶苛剥貧民強悍之惡習以敦風俗事
照得生人不等貧富難齊然富則周貧貧則後富
原有一定之分富而朘刻必不久富貧而無賴究
且益貧本司蒞江十載深知江省民風富儉貧勤

第富而苛刻錙銖貧而恣行強悍者亦復不少今
歲江省間有偏災收成頓減貧民艱于謀食不得
不將衣物質穀于富戶而富戶輒藉穀居奇故行
捐勒既擡其價復倍其利掘搜掇尅不饜不休貧
民之懦弱者飲恨含辛強橫者痛心疾首挾忿爭
勝積不能平馴致戕命勢有不然更有一等無賴
貧民見米價稍昂輒自把持不許出境甚至藉名
鄉禁揭旂虛市遇有客販肩挑者斷其羅繩舟載
者盡傾入水而有穀之家反多圍擁刀風惡俗良
堪髮指查糾衆過糶現已欽奉

特旨普頒禁令又蒙 院憲條約申嚴凡具知識自應
凜遵茲屆歲暮貧民之典贖商賈之貿遷更甚平
時誠恐富民但以苛利為能貧民仍以強梁為事
合再飭禁為此示仰按屬軍民士庶人等知悉凡
居富者務以調卹為心當此歲暮嚴冬首在寬債
讓利既同鄉井誰無緩急須知佔得一分利即結
得一分怨讓得一分利即造得一分福何苦不畱
餘地以保子孫居貧者當以守分為事須知欠債
還錢贖當納利原屬本等逞橫逞強何如順情順
理至鼓衆過糶法令首嚴酌盈劑虛

國有常經斷不使無賴貧民得以行其刁悍慎勿以
身干犯後悔莫追本司忝膺風紀原與爾民痾痛
相關故不憚苦口再申布告倘敢怙惡不悛惟有
執法痛處各宜警省毋違特示

西江視臬紀事續補

定遠凌燾約銘

議詳

請終養詳

為循例籲請終養以遂烏私事竊本司猥以非才
荷蒙

世宗憲皇帝天恩由中書游歷臺班署臬江右乾隆二年
引

見復蒙

皇上天恩實授疊叨異數寸効未酬敢不矢竭駑駘庶

幾報稱萬一祇緣親母李氏現年八十有六向雖
迎養在署幸精力尚可支持且有胞弟得分奉侍
之勞不意僅此一弟前歲病歿而母復衰病漸增
去秋及今強半呻吟床第飲食更減日夕思歸本
司欲專意侍養則一省刑名之重深憂貽誤欲專
意辦公則適母病軀風燭餘年實難忽置似此公
私兩迫既無兼顧之方而母子相依實有難離之
勢叨逢

聖朝以孝治天下烏烏私情例得陳達伏查例載父母
年八十以上雖家有次丁請歸養者亦聽等語今

本司母年八十以上實與歸養之例相符用敢據情籲請仰懇

憲恩俯賜

題達俾得援例歸養獲侍餘年則本司母子共樂
禿天之日皆啣戴

憲德之年矣理合照例取具同鄉官印結一并申
送 憲臺會核具

題實為德便

請給在監軍流徒犯口糧詳

為詳請咨明遵辦事竊照江省囚犯向止奉新一

縣編有囚糧銀九兩六錢其餘皆無額設迨至雍正十一年經協理直督顧以直省向無囚糧請將盜犯暨無家屬之斬絞等犯每日給米一升油鹽柴菜錢五文奉部議准欽奉

恩旨通行各省一體酌設隨經本司等詳議將江省各屬酌量獄囚之繁簡分別五等共設囚米一千八百六十四石錢九百三十二千文聲明凡一切繫囚重犯每名日給米一升錢五文其米即于各縣常平穀內動支秋成領價買補其錢即于各縣解司耗羨銀內動支年底彙冊報銷奉准

大部覆允遵行在案是各邑業已設有囚糧但直
省原題則稱支給盜犯及無家屬之斬絞等犯江
省原題則稱一切繫獄重囚俱未分晰人犯罪名
輕重是以向來造報

奏銷止開斬絞軍流內結人犯其餘外結軍流等犯
因從歷係年終彙

題恐造報在先 題報在後 大部無案可稽是以
概不查造但今一切軍流等犯俱係先行咨 部
完結然後類入彙

題是 大部已有案可稽且遞解軍流人犯例得發

給口糧則此等軍流人犯及軍流案內擬結之徒
犯似應一例給與口糧統以解奉審定罪名後即
行起支奉文發解之日住支即于原奉額設錢米
內通融辦理則在監囚犯咸得仰被

聖朝欽恤之仁矣是否允協相應具文會詳俯賜核奪
咨明

大部示覆仍以奉准覆允之日為始造報合併聲
明

枷犯遊示議詳

查議得枷號人犯作何遊示如何責成管押及杖

犯亦令遊巡免責等由奉 憲行司議明詳覆當
經檄行南昌府妥議去後今據該府議詳前來本
司覆加酌議查枷號人犯原以儆示愚民若任其
藏匿衙前屋內身犯者既無以動其愧耻之心觀
視者亦無以發其儆省之念誠有如 憲檄所論
但律設枷號未著遊示之文誠以既已荷械自難
巡行今蒙 憲臺計畫周詳飭設小枷于懲創之
中未嘗不遇矜全之意惟是枷號人犯有枷後應
遣者有枷後應徒者有死罪軍罪流罪徒罪存留
折枷者罪名各有不同此等枷犯固不便令其遊

巡即罪止于枷者其犯罪情節亦不盡一其間或情浮於法或法已蔽辜或惡習所當懲創或過誤尚可矜原案情百變亦難預為區別若概令巡遊地方官或不察案情不分等類凡遇罪止枷杖者一概易枷遊示在強橫之黠犯賊徒既易輕枷巡遊無定轉滋乘間兔脫之端其或年衰有疾之人及衣食不充之輩寒暑風雨又覺堪虞或致傷生更非仰體 憲臺哀矜勿喜之盛心本司愚見應請將枷後應遣應徒及存留折枷等犯概免遊巡外其餘罪止枷杖者似于定案具詳時察其情罪

果有罪浮于律及有闕民俗者酌請遊示以警懲
固其餘尋常枷犯俱令枷示通衢不許藏匿衙前
屋內緊免遊示其奉准遊示之犯則請如南安府
并新建縣所議用薄板輕枷當堂枷號固封仍用
高脚牌大書所犯事由著令原差協同地保鳴鑼
前導遊示城墟其遊示日期請定以枷號一月者
五日兩月以上者十日完日仍押回枷示通衢則
懲創之法矜恤之恩並行不悖矣至笞杖原屬五
刑之二且罪止笞杖者其罪本輕又人所易犯實
繁有徒似不便槩易以枷號遊巡並應如該府并

新建縣所議仍行照例決責可也緣奉飭議事理
是否妥協詳候 憲臺核奪批示以便通飭遵照

請禁事主挨戶搜賊并私販透越賊匪怙惡
盜葬創骸坍漲洲土乞婦強丐等款議詳

會議得臨川縣摺稟地方事宜各款奉

憲檄行查議本司道等遵即細加查酌竊以導正
莫先於止邪興利莫先於除弊蓋邪不去則正不
立弊不除則利不舉本末原有相因之勢則因事
制宜救偏補弊實亦地方之切務所謂法禁有助
於教化也但政在不煩法期用當茲據該縣稟稱

臨川惡俗有失米穀樹薪而指稱踵跡落某人門
首聚集族隣鄉保登門搜查以致寡弱者受辱不
堪甚至自盡強梁者械石相拒每至殺傷其實米
穀樹薪家家所有應請飭禁犯者輕則杖做重則
反坐等語查事主失竊例應報官差緝即有踪跡
昭著亦應密稟拘查藉以起贖為由沿門搜檢原
干禁例乃江省惡俗凡遇被竊輒糾同族保挨戶
查搜往往滋事如永寧縣現有劉尚英被逼自刑
之案可見此風不獨臨邑也至米穀樹薪民間多
有乃有挾疑似之賊以實人窩竊之罪者地方官

遽為斷追既恐涉於寃濫稍不嚴究則事主輒行
挾制不曰印官縱匿則緝捕役色暴上下告訐無
有已時此種弊風實為滋害亟宜立法通行禁戢
嗣後凡有被失之家務須報官查緝即有踪跡可
疑亦須指實稟稟不許私自搜賊借端誣指仍
通行各屬明張曉示自示之後如仍有搜賊挾制
等弊一經審實輕則照誣告反坐重則照誣良問
成既可免無辜之牽累而愚罔之民咸知畏憚亦
不致自干法律矣本司道等再有請者搜賊妄控
雖屬刁風亦多由地方官據報失竊不過點一役

貪一票即為了事成年累月賊賊兩無財帛衣飾者小民生命之源彼見地方官有報無獲不得不私自根追亦其勢然也但使各屬能深體民情防衛于先嚴緝于後有報必獲則私搜妄控之風當可漸息此又端本澄源之道並應通飭各屬一體振勉者也又據該縣稟稱建郡之新城縣與福建之光澤縣接界光澤杉關地方至新城之石峽舟楫籜筏順流而下故建之南城撫之宜黃向多私販近年侵及臨邑更透入南昌等縣彼處行鹽各商以光澤為利藪于是杉關四十里竟有包買包

送之人此處雖有巡司塘汛不敢過問必須兩省
 合議如閩私越境彼處出口之地方文武並定以
 處分凡江省查獲私販必提閩省發賣店商一並
 治罪等語查江省界連閩浙粵三省如建昌府之
 廣昌南豐新城瀘溪贛州府之石城等縣皆與閩
 省毗連悉為閩私衝越之區而廣信一府例食浙
 鹽南贛二府例食粵鹽又江南之徽州亦食浙鹽
 則饒吉二府接壤之域亦莫非浙粵二省侵私之
 地且三省鹽餉各賤于江省則奸販分侵誠難保
 其必無然三省之鹽運之江省則為私鹽為越販

售之本省則固為官鹽為疏銷也防緝之計惟有
于各隘口多設兵役加意巡查重重堵禦自將漸
止若如該縣所稟則是欲杜江省之私侵而併禁
隣省之官鬻應無是理雖據該縣稟稱杉關四十
里竟有包買包送之人雖有巡司塘汛不敢過問
等語查設立巡司塘汛正以查堵私鹽若果一任
透漏不敢過問則地方又安用此况自新城以至
臨川隔越多邑沿途水陸城汛經歷凡幾員弁兵
丁豈皆不敢過問者那要亦巡防疎懈以致私販
公行更未可歸咎于隣邑之口訢也此條應飭行

撫建二府移行營縣于各口要隘并沿途水陸要衝多派兵役加謹巡防無許私鹽顆粒透漏倘有疎玩後處官叅則奸梟自將斂跡該縣所請兩省合議彼此出口地方文武並定處分并提關省發賣店商治罪之處徒滋擾累無益事機應毋庸議又據稟稱怙終惡賊三犯則絞賊輕亦流但必通詳刺字者始算其實竊賊無多者不能案案通詳而若輩習為游惰甘蹈刑罰圜方釋偷竊旋踵罪之不致于死緩之又復害人等語查積賊滋竊最害民生故定例三犯者計贓五十兩以上絞五

十兩以下三十兩以上發鄂爾坤種地三十兩至
十兩以上發極邊衛充軍不及十兩滿流正所以
嚴怙惡懲積匪也必以曾經刺字為主者恐無案
據或滋濫入也然又恐實係積匪而先行漏網未
經犯案雖未三犯實屬為害地方故又定有積匪
猾賊不論曾否刺字發邊衛充軍之例則是三犯
分別絞遣不係三犯而實為積猾即援例問戍立
法未始不周又安有罪之不致于死縱之又復害
人之慮惟江省積習地方官遇有小竊案件怠于
通報即使獲賊亦多草率輕結以為省事故該縣

有不能案案通詳之說夫地方切害莫甚于賊弭盜安民正有司所首務以匿報為省事則將以通報為多事乎此不過為書辦省繕寫為捕後省提比耳不知地方竊案無論賊賊多寡均須照例通詳即有人賊並獲之案亦應當時審明依律問擬詳府核轉發落則再犯三犯院司原有案據刺字原有明文自不難於律擬惟其諱匿於先遂多顧慮於後可知竊案均須通報矣至該縣所稱積賊有犯挈獲究實除案情重者報明審擬外其游供未報之案及情輕不必詳擬者加責發落鎖禁

給食遇有工作用一長鍊對鎖押令挑土扛磚之處查案賊再犯律應從嚴即有從前未報亦應檢舉按擬安有所謂游供未報之案及情輕不必詳擬首既日游供憑何定案既係屢犯安有情輕且不問所犯重輕而槩請枷責發落亦覺悖謬至鎖禁給食雖足禁其為非然通縣積賊既難數計按口授食費出何所况聚積匪于一區嚴之則現無罪犯寬之則適以滋奸長年拘食寃難革其非心一日縱弛則仍肆其故智寃亦無益至工作之事亦屬間有既以長鍊對鎖亦不便使之挑土扛磚

該縣所請恐屬難行應請通飭嗣後罕獲積賊除
三犯積匪遵照律例問斷外其尋常案犯仍分別
懸鈴充警有父兄者着落父兄無父兄者着落族
保嚴加管束該縣另設一簿凡經本司詳奉憲
臺批令懸鈴充警之犯概行登列務于朔望親加
點驗如有不到立即查明是否逃匿根緝懲處限
滿無犯取具保結除鈴免點仍飭各屬務期實力
奉行不得虛應故事若詳定管轄一犯仍有在外
肆竊該縣茫無覺察者本司查詳分別記過叅處
則積賊業賊均有稽嚴而地可期寧謐矣其拘食

工作該縣既請試行於臨邑應准量酌試行毋庸
通行可也又據稟江省惑於風水阻葬盜葬最為
惡習更有將父葬父祖棺骸刨挖檢骨盜葬他人
坎地或埋入他人墳塚甚至被人起挖置之穢地
何異毀棄父祖屍骸罪同大逆然事發到官不過
以枷責完結以其未有嚴例所以不知敬懼更有
貪人吉穴先以木匣盛貯猪羊等骨盜埋圖賴請
嚴飭禁凡埋葬者無論祖山新地于一月前公同
族親里隣指穴驗明挿牌標出然後進葬如不先
行指驗標明以致爭阻審明即係已山亦以違禁

責處其挖坟檢骨盜葬他人坟地及以空匣偷埋
詐賴者勘審得實俱照發塚例從重究處堪輿之
案一併治罪等語查江省惡俗實以爭佔風水為
第一盜葬毀骸無奸不作其殘毒險狡駭見駭聞
有非意計所及料者不知挾親骸以求富貴致使
棺槨久停已非人子之心所敢出况將歷久安葬
之祖父棺骸恣行發掘暴露天日之下檢拾殘骸
傍人墳地盜埋鑽葬追被起挖坐使拋殘慘毒瀰
天一死何贖至貪人吉穴以木匣盛貯猪羊等骨
潛行盜葬捏稱為某祖某妣老墳公行祭醮地主

不覺則換入棺骸或被挖毀則告稱發掘詐賴不
休此尤點徒惡習現在指控掘塚拋骸之案大率
皆屬此類誠不可不嚴法以懲但該縣議請無論
祖山新地于未葬之前先行經族驗明立標安葬
亦預杜爭端之一法但于一月之前經同族親里
隣多人驗明插標且不論已山概行公驗恐貧民
急圖安葬不能事先經明更或族大親繁不能一
一公驗而多事族隣需酒索食反得藉口阻難未
免仍滋事端大抵子孫為祖父經營窳窳固屬應
葬之地發引歸阡未有不通聞親族以禮送葬者

原可不必預驗若潜埋偷葬方且乘人不覺又豈
肯經衆插標是所議究為無益查律載于有主墳
地內盜葬者杖八十勒限移葬又卑幼發掘尊長
墳塚開棺見屍者斬毀棄死屍者斬又例載子孫
毀棄撒撒祖父死屍者不分首從皆斬決律意本
屬嚴明應請通飭嗣後凡有將在冢未葬祖父親
屬棺柩盜埋他人墳地者照律坐杖勒遷該縣所
請限一月以前經同族親隣里驗明插標之處毋
庸議其有因圖佔風水而將久經安葬之祖父親
屬棺骸無故發掘檢拾骨殖盜葬他人地內墳內

及因檢骸盜葬而致毀及遺骸此等兇徒既已無
故發掘尊長墳塚見屍于先復致殘毀祖骸于後
應如該縣所議俱照發塚等例從重究擬至以空
匣偷埋誣告掘毀雖屬刁風尚非發掘自應照誣
告人死罪律反坐該縣請概照發掘究擬亦屬未
協應毋庸議至堪輿煽誘唆使實為禍端應如所
稟分別究治仍應行令各屬先行明白示諭不特
安死者於九泉亦以全生命于三尺也又據稟稱
濱河田地有坍有漲坍糧賠累更為可憫應飭業
主隨時具報州縣每年秋收之後勘丈一次造冊

轉司其新長新添田地亦盡開墾每年亦勘
丈一次應行陞科者亦造冊報司或限三年或限
五年司間委員查勘總計造冊咨

題等語查定例塌者豁免漲者陞科又定例該地方
實有可墾之荒地仍令該州縣官勸民陸續耕種

照例

題報陞科各等因通行在案故毋論老荒新生地畝
凡有可墾之處聽民報墾州縣官造冊送司委員
勘明按年詳請

題報俟六年十年後再委員勘明陞科現在遵行原

有成例今稱將應陞科者亦造冊報司轉似例不造報矣又稱或限三年或限五年委查造報則又改六年十年而為三年五年矣實與定例不符至坍陷田地若遇山水衝決者即係災傷州縣官例應即時通報委員勘明分別輕重賑給工本培修復業如有實難墾復者即請

題豁若係沿江濱河間有東坍西漲者應聽里民據實報明該州縣確查詳請委員確勘請豁漲者聽墾分別免稅陞科俱應隨時辦理豈便緩俟秋收若無沖決坍漲則又毋庸查勘矣如必令每年秋

收之後逐處勘丈一次不特州縣錢穀刑名事多繁冗日不暇給且迹涉搜求而小民趨利若流必將有主之地妄行影佔無坍之地亦稱坍缺紛紜擾累轉滋弊端應毋庸議總是有坍必除可墾則墾應陞科即陞科則上下兩益矣又據稟稱乞食餬口或患難窮途或鰥寡孤獨萬不得已之事而江右乞丐皆強壯之人習為游惰少年之嬾沿村乞食甚至呼朋引類過孤村單戶索酒索錢不厭不止械毆搶奪無異強徒應請飭禁等語查老疾孤貧原設有養濟之典矜其斃獨其或有無告窮

民未收入院沿門哀乞情屬堪矜原無禁例若少年強徒精力正壯但能自甘勤苦傭力工作自足資生乃游惰自甘流為匪丐而又桀驁性成動肆無賴甚至串結惡徒殘毀膚體手携蛇虫厭穢之物沿門喧擠硬索強求其流不至于為盜為竊勢必不止至少婦求乞尤闕風俗回誘嚇索擾累無窮應如該縣所請嚴示飭禁凡子弟不肖責任父兄無父兄者責在族保嚴加管束不許棄使為匪年少婦女著令翁姑夫男收管概不許藉口貧窮縱容求乞凡地方乞丐除老病殘疾外遇有少壯

男婦保甲居民即行盤詰如係流落難民報官訊實捐給口糧資送回籍如係近地即押本人家族收管如係隣縣即行驅逐回籍安置強強者稟報查拏解回本籍至匪丐內有舞蛇弄犬潛宿村庄古廟日以乞食為名沿門窺探夜則恣行偷竊為害民生此等匪徒尤須嚴查驅逐庶游匪除而閭閻寧謐矣以上各條本司道等悉心確議管見如是是否有當伏候

憲臺核示以便分別通飭遵照

設立族約議

竊惟致治之道正家為先善俗之要明倫為本故
曰天下之家正而天下治所謂人人親其親長其
長而天下平也江省士民率皆聚族而居族各有
祠以敦歲祀其于同敬合愛尊祖睦族之意未始
不存既已羣聚而州處使為父言義為子言孝率
敬率弟少習心安則父兄之教自將不肅而成子
弟之學自將不勞而能乃俗薄風漓禮教之設百
無一二馴至尊以勢傾卑以強抗凌弱暴寡同本
相戕不可枚舉所謂宗講宗規家範家約邈乎無
聞而子弟之悖淫罔檢者蓋以無憚由是而推風

俗之洗將于何底章志貞教長民者誠當亟亟也
前蒙 憲臺洞察其由備申條禁業已愷摯詳明
凡有知識咸當凜奉茲復蒙以小民不公不法與
其懲劄于已犯不若化誨于未然各祠既有族長
房長莫若官給牌照假以事權專司化導約束除
公祠之惡習即以收公祠之實效特札飭議仰見
憲臺牖民範俗籌畫之盛心查族長房長均為一
族之尊于通族之賢否所行之順悖耳目既真稽
查自易專以責成使之化導于平時約束于臨事
實為事簡而法周唯是族長房長皆有一定之分

未必盡公正之人且或生長田野禮法未嫻或衰
憊龍鍾是非不辯強悍者鎖囊滋事柔懦者猥鄙
無能則又難保其不為滋弊本司細加籌畫查

定例內開族滿百人以上保甲不能徧查揀選族
中人品端方素為合族敬憚者立為族正如有匪
類令其報官等語今似應倣族正之例通行各屬
凡有世家大族丁口繁多者即令該族于尊長內
無論是否族長房長擇有舉貢生監品行素優實
為合族所敬憚者公舉一人委為族約無舉貢生
監即選人品端方足以服衆者一人為之地方官

給以牌照專司化導約束使之勸善規過排難解紛子弟不法輕則治以家法重則稟官究處至口角爭忿買賣田墳或有未清事涉兩姓者兩造族約即會同公處不得偏袒族內如有孝弟節義及姻卹義舉族約即為報官請獎族約遇有事故公舉另替如惡薄子弟因族約公言欺凌尋釁借端報復者報官重處至地方一切緝拏盜拘犯承應諸事事係保甲槩不得責成族約俾優其品以專其任如果兩年之內化導有方約束無事地方官給匾獎勵五年無犯詳 憲請獎十年之內能

使風俗還醇澆凌胥化者詳請具

題獎叙以示鼓勵如此則報充之族約皆為公正之人伊等自惜身名自不肖偃仰薄俗而凜遵法守亦必無濫行恣罰以飽貪饕輕擅戕命以干憲典之事庶以族化族而民風歸厚公祠之惡習可除而公祠之實效可收矣

請動賊贖預置囚衣草薦詳

為詳請動放賊贖置備棉衣散給罪囚以廣

皇仁事竊照監獄重囚口糧錢文例應動支公項散給棉衣藥餌等項例應動支留存外結賊贖銀兩置

備分發按年造冊報銷在案現今軍流等犯并軍
流案內之徒罪人犯又經本司會詳請咨奉准
部覆概行散給口糧錢文業已通飭遵照茲時屆
隆冬日漸嚴寒監禁人犯多係體無棉衣夜無卧
具寒凍不禁必致病斃殊堪憫惻查軍流徒罪人
犯向來口糧錢文俱不造報而棉衣草薦雖據各
屬捐給或未周備今因糧既已一體給備所有囚
犯棉衣草薦相應一并請動贖贖製給以昭畫一
合無仰體

皇仁

憲德行令各州縣查明將一應在監死罪并內

結軍流徒犯及外結現在應擬徒犯無棉衣者一
概照例給與棉衣一件草薦一條飭令各州縣一
面墊製一面將應需棉衣草薦工價分別內結外
結造冊差赴司請領其棉衣務照省城司獄製
式用藍布面白布裡每件長三尺六寸腰身胯肩
各九寸袖長二尺六寸其領不必滾緣俱照女衣
綴製高領約一寸五分前後兩襟俱不開衩傍袂
止開七寸厚鋪棉花每件一觔扣鈕俱用紅綿絲
繩針工以堅固為主其需用銀兩內結者請動放

報

十九
部贖外結者請動放存公贖先行給發辦理
以便及時給領實為 恩便再查囚犯棉衣凡係
重囚例應製給軍流等犯原無不給明文毋庸另
行請咨統于乾隆八年造報給過囚犯棉衣藥餌
等項冊內查明動放款項一體造冊報銷理合先
行詳明

憲臺核奪俯賜批示遵行

拆檢屍傷議詳

查議得鉛山縣通詳拆檢屍傷一案奉

憲批司核議遵經檄行廣信府議詳前來本司伏

查人命案件原以屍傷為定而屍傷尤在印官察
驗確實前據瑞州府請飭印官相驗屍傷一業業
經本司議詳嗣後印官遇有人命呈報到案務遵
定例親詣屍所眼同屍親兇犯人等驗明本屍被
傷處所分別顏色是何分寸究明兇器比較確切
逐一指問屍兇人等質對明白親填屍格並取屍
親結狀一并入詳如印官仍有糊圖驗報及檢驗
不公抑勒屍親具結情弊察出嚴叅如屍傷之明
屍親刁指圖詐者據實詳明聽候察究等情具詳
前憲批示通飭遵照在案是地方遇有人命案件

呈報印官自當帶同屍兇人等速詣服同細驗恨
追兇器比對明白在兇犯自難狡展屍親安敢刁
誣即如暑月屍身不無發變但發變本係浮軟而
受傷原屬堅硬有迹可尋仍須細驗豈得概請蒸
檢殘及屍軀惟是刁詐屍親多有指發變為傷痕
者又或係縣佐代驗持疑不決見有發變每以屍
身潰爛無憑相驗為詞自難免于批行取結開檢
該縣府以傷分新老或恐屍親藉為口實請飭屍
親指定傷處止將所指之處拆檢固亦詳慎檢驗
之一法第命案虛實不常屍親亦奸良不一右因

屍親誣捏而通身檢驗在死者固徒遭蒸刷之慘
若據指拆檢而鄉愚或不諳部位名色一時指稱
舛錯更有刁詐屍親信口變幻亦難遽定况一經
檢虛屍親即應坐誣死者拆檢固宜矜恤生者絞
流似亦不可不慎查律例內止有檢驗之條原無
拆檢明文且新傷老傷究有分別此等案件或行
全檢或行拆檢總在檢驗官臨時悉心酌辦務毋
枉縱未便先定拆檢之例致檢驗草率搖惑案情
或刁點屍親藉口翻異反滋覆檢之累應將該縣
府請令屍親指定處所拆檢之處毋庸議是否妥

洽詳候 憲臺核奪批示

經管城門鎖鑰牌棍并火具議詳

議得城門鎖鑰等項責成高官一案奉 憲准咨
行司飭查遵經行據南昌等各府詳覆前來本司
等覆加確核查建城設守原以鞏固地方護衛倉
庫故啟閉宜慎出入宜嚴文武均有守土衛民之
責况同城設立武員謂之城守而越城及門城鎖
鑰之令載在兵律可見武員非全不應典筦鑰之
司者也但江省所屬城門鎖鑰有武職管理者亦
有文員收管者又有文武分管者其城門牌棍等

項有縣令捐脩者又有武弁脩備者多不畫一此亦歷久相沿莫可窮詰但謂之不畫一則可以謂武員管理不合例義則非也惟是江省各屬不皆設有城守大員或止係嵩汎防汛千把微員似不便崇司門鑰若仍徇舊制則文武事例不一或啟推諉之端查州縣職在守土請嗣後各屬城門鎖鑰毋論附郭嵩城概令該州縣管理或遇州縣公出交縣丞典史等員代管倘營汎有應辦公事隨時移取但啟閉雖歸州縣其盤詰稽查仍須文武一體稽嚴各不得藉諉以致歧悞至城門牌棍原

屬營製應令營員脩置其麻搭火鈎水桶一切救
火器具應令有司捐修庶責有常司而事歸畫一
矣是否有當相應會詳 憲臺核奪批示以便轉
飭遵照

請代謝准終養詳

為詳請代

奏恭謝

天恩事竊熾一介庸愚由

聖祖仁皇帝癸巳恩科舉人叨蒙

世宗憲皇帝天恩拔置中書游歷侍讀超擢臺班署臬江

右乾隆二年入覲

天顏復蒙

皇上天恩實授今職才庸任重報稱毫無轉得仰藉官
精迎養邁母母子相依業經十載近以母年八十
有餘思歸念切情不能離復蒙

奏請叨沐

皇恩特准歸養擴

錫類之深仁遂烏私之隱願是禱從前迎養在署既得
邀

天祿以逮親今奉侍旋歸又得捧

恩綸以將母極亘古罕邁之遭逢實生世難酬之
高厚除將經理未竣事件現在悉力僭辦聽候交代奉
母回籍外所有感激微忱理合循例詳請

憲臺代

奏恭

謝實為德便